



ახალი ტანათლებ

№23 (537) ბაზოლის 1998 წლიდან

www.axaliganatleba.ge

2011 წლის საუკეთესო დაჯილდოვდნენ

15 ივნისს, განათლებისა და მეცნიერების მინისტრმა დიმიტრი შაშკინმა 2011 წლის საუკეთესო მოსწავლე, მასწავლებელი, დირექტორი, მანდატურები, კერძო და საჯარო სკოლა და ასევე საუკეთესო რესურსცენტრის ხელმძღვანელი დააჯილდოვა. ნომინაციებში გამარჯვებულებს მინისტრმა სპეციალურად დაწესებული ჯილდოები გადასცა და აღნიშნა, რომ განათლებისა და მეცნიერების სამინისტრო ყოველთვის წაახალისებს წარმატებულ მოსწავლეებს, მასწავლებლებსა და დირექტორებს, საუკეთესო კერძო და საჯარო სკოლებს, რათა მათ ჰქონდეთ მოტივაცია, კიდევ უფრო მეტ წარმატებებს მიაღწიონ.

დიმიტრი შაშკინი, განათლებისა და მეცნიერების მინისტრი: „საერთაშორისო პარტნიორების მიერ აღიარებულია, რომ საქართველოში მიმდინარე განათლების რეფორმა წარმატებულია. წარმატებულია იმის გამო, რომ ჩვენს სკოლებში ასწავლიან ისეთი პედაგოგები, როგორც არის ილია ვეკუას სახელობის ფიზიკა-მათემატიკური სკოლის ქიმიის პედაგოგი **ეთერ ელოშვილი**; წარმატებულია იმის გამო, რომ ჩვენს სკოლებში სწავლობენ ისეთი ბავშვები, როგორც არის 122-ე საჯარო სკოლის მე-10 კლასის მოსწავლე **სანდრო სახვაძე**; ჩვენ გვაქვს ისეთი წარმატებული სკოლები, როგორც არის მე-10 საჯარო სკოლა; ჩვენი საზოგადოების 70 პროცენტი ენდობა განათლების სისტემას იმის გამო, რომ გვყავს ისეთი სკოლის დირექტორები, როგორც არის თბილისის 157-ე საჯარო სკოლის დირექტორი, ქალბატონი **შორენა ბუნტური**; ჩვენი კერძო სკოლები წარმატებულია იმის გამო, რომ გვაქვს ისეთი სკოლები როგორც არის ბაქსუდის საერთაშორისო სკოლა „თბილისი“; მოსახლეობის 81 პროცენტი ამბობს, რომ ჩვენი სკოლები არის უსაფრთხო, რადგან გვყავს ისეთი მანდატურები როგორც არის ქუთაისის 30-ე საჯარო სკოლის მანდატური – **ეკა ენუქიძე**, რუსთავის მე-10 საჯარო სკოლის მანდატური **ივანე გოგინაშვილი**, გორის მე-3 საჯარო სკოლის მანდატური **ზურაბ ლალიძე**, რომლებიც ზრუნავენ ჩვენი ბავშვების უსაფრთხოებაზე.

მოსწავლეების 70-მა პოროცენტმა აირჩია ინგლისური ენა არა იმიტომ, რომ მნიშვნელოვანია ინგლისური ენის შესწავლა, არამედ იმის გამო, რომ ჩვენთან მუშაობენ (პროექტის „ასწავლე და ისწავლე საქართველოსთან ერთად“ ფარგლებში საქართველოში ჩამოსულია, დაახლოებით, 1000 პედაგოგი აშშ-დან, კანადიდან, დიდი ბრიტანეთიდან) ისეთი პედაგოგები, როგორც არის **კათრინ ბრემი** (გერმანელი მოხალისე პედაგოგი), რომელიც გარდა ინგლისურისა, თავისი ინიციატივით, გერმანულ ენასაც ასწავლის ბავშვებს. მიიღა დიდი მადლობა გადაუხადო ყველა ადამიანს



და გითხრათ, რომ განათლების სისტემა იქნება წარმატებული სანამ ისეთი ხალხი, როგორც არის ყვარლის რესურსცენტრის უფროსი **ქეთევან ჭიბაშვილი** იმუშავენ ჩვენს სისტემაში. ჩემთვის დიდი პატივია ამ ხალხთან ერთად მუშაობა და იმ რეფორმის განხორციელება, რომელიც განათლების სისტე-

მაში წარმატებით მიმდინარეობს.“ მომავალში, განათლებისა და მეცნიერების სამინისტროს ინიციატივით, ყოველწლიურად გამოვლინდება წარმატებული მოსწავლე, მასწავლებელი, დირექტორი, მანდატური, კერძო და საჯარო სკოლა და საუკეთესო რესურსცენტრის ხელმძღვანელი.



**ნამიარი
შებრძნებების,
საბანთა
ხედვის
სიტყვიარი
გადმოცემა**

გვერდი 4

ინფორმაცია

საქართველოს განათლებისა და მეცნიერების სამინისტრომ, კონსტიტუციური უსაფრთხოების დეპარტამენტთან ერთად, კიდევ ერთი აღმაშობლებელი ფაქტი გამოავლინა.

ჩატარებული საგამოცდო ღონისძიებების შედეგად დადგინდა, რომ ადგილი ჰქონდა სასკოლო წიგნების გრიფირებასთან დაკავშირებულ კორუფციული გარიგების მცდელობას. კერძოდ, შპს „აკვკასიის აკადემიური ცენტრის“ დამფუძნებლებმა - დავით ცეცხლაძემ და ნიკოლოზ ბაქრაშვილმა მათ მიერ უცხოეთიდან შემოტანილი წიგნებისთვის გრიფის მინიჭების სანაცვლოდ, საქართველოს განათლებისა და მეცნიერების სამინისტროს მალაჩინოსანს, ქრთამის სახით, 50 ათასი აშშ დოლარი შესთავაზეს.

იმ შემთხვევაში, თუ მათ მიერ შეთავაზებულ წიგნებს გრიფი მიენიჭებოდა და სკოლებში ამ სახელმძღვანელოებით სწავლება სავალდებულო გახდებოდა, გარდა 50 ათასი დოლარისა, ეჭვმიტანილები სამინისტროს თანამშრომელს, ქრთამის სახით, მოგების 33%-საც სთავაზობდნენ. საქართველოს განათლებისა და მეცნიერების სამინისტროსა და კონსტიტუციური უსაფრთხოების დეპარტამენტის ერთობლივი ოპერატიული მუშაობის შედეგად, სამართალდამცველებმა აღნიშნული პიროვნებები ქრთამის გადაცემის ფაქტზე დააკავეს.

სამწუხაროდ, ზოგიერთი არაკეთილსინდისიერი მოქალაქე ვერ აცნობიერებს იმას, რომ ნეპოტიზმი და კორუფციული გარიგებების დრო დასრულდა. ნებისმიერი უკანონო ქმედება მკაცრად კონტროლდება და მას კანონის შესაბამისი რეაგირება მოჰყვება.

საქართველოს განათლებისა და მეცნიერების სამინისტრო ერთ-ერთი ყველაზე გამჭვირვალე და არაკორუმპირებული უწყებაა. სამინისტრო კვლავ გააგრძელებს მსგავსი ფაქტების მოკვლევას და არავის მისცემს უფლებას, საკუთარი კეთილდღეობა ჩვენი შვილებისა და მომავალი თაობის განათლების ხარჯზე მოიწყოს.

საქართველოს განათლებისა და მეცნიერების სამინისტროში I-VI კლასებისთვის ახალი სასკოლო სახელმძღვანელოების გრიფირების პროცესი დასრულდა. ამ თემსთან დაკავშირებით, საქართველოს განათლებისა და მეცნიერების სამინისტროს პირველმა მოადგილემ კოკა სეფერთელაძემ და ეროვნული სასწავლო გეგმებისა და შეფასების ცენტრის დირექტორმა ნათია ჯოხაძემ კონკურსის შედეგები შეაჯამეს.

სასკოლო სახელმძღვანელოების გრიფირების ძირითადი არსი სკოლებისა და მოსწავლეების ხარისხიანი სახელმძღვანელოებით უზრუნველყოფაა. მისი მიზანია დაადგინოს, გრიფის



მისანიჭებლად წარმოდგენილი წიგნები რამდენად შეესაბამება ეროვნული სასწავლო გეგმის მოთხოვნებს, რამდენად გამართულია მინაარსობრივად, მეთოდურად და ტექნიკურად.

წელს გრიფირების წესში მნიშვნელოვანი ცვლილებები შევიდა: შემუშავდა გრიფის მინიჭების პროცედურის ახალი მიდგომები და პრინციპები; დაიხვეწა საკონკურსო პროცედურები; მკაცრად განისაზღვრა სახელმძღვანელოს შეფასების კრიტერიუმები, სახელმძღვანელოების ტექნიკური პარამეტრები და სახელმძღვანელოს შეფასების პროცედურა და მეთოდიკა.

კერძოდ, სახელმძღვანელოების კონკურსში მონაწილეობის უფლება ჰქონდათ როგორც იურიდიულ, ასევე ფიზიკურ პირებს - ავტორებს/ავტორთა ჯგუფებს. კონკურსანტებს უნდა წარმოედგინათ სახელმძღვანელო/სახელმძღვანელოების სერია, რომელიც წარმოადგენს ზოგადი განათლების ერთი საფეხურის ფარგლებში, ერთსა და იმავე კონცეფციაზე აგებულ, ერთი საგნის სახელმძღვანელოების ნაკრებს ყველა იმ კლასის/დონის საგნისათვის, რომლისთვისაც არსებობს ეროვნული სასწავლო გეგმით განსაზღვრული საგნობრივი პროგრამა.

სახელმძღვანელო/სერია შეფასდა „სახელმძღვანელოს შეფასების კრიტერიუმებით“ და „სახელმძღვანელოს მაკეტის ტექნიკური პარამეტრებით“. დაწესდა ქულობრივი ბარიერი, სადაც განისაზღვრა, რომ სახელმძღვანელოს/სახელმძღვანელოების სერიას უნდა გადაეღობა მაქსიმალური ჯამური ქულების 90% (მინაარსობრივი) ბარიერი, სხვა შემთხვევაში წიგნს გრიფი არ მიენიჭებოდა.

2011-2012 სასწავლო წელს, I-VI კლასებში, ახალი ეროვნული სასწავლო გეგმა ამოქმედდება, მოსწავლეები კი ახალი, ხარისხიანი სახელმძღვანელოებით იქნებიან უზრუნველყოფილი.

საქართველოს განათლებისა და მეცნიერების მინისტრი დიმიტრი შაშკინი იმ კურსდამთავრებულთა ათეულს შეხვდა, რომლებმაც საატესტატო გამოცდებზე ყველა საგანში საუკეთესო შედეგი აჩვენეს. მინისტრმა მათ პირველი დიდი წარმატება მიულოცა და პერსონალური კომპლემენტებით დაასაჩუქრა.

დიმიტრი შაშკინმა ჩატარებული საატესტატო გამოცდები დადებითად შეაფასა და კმაყოფილება გამოთქვა იმ შედეგებით, რაც კურსდამთავრებულთა აბსოლუტურმა უმრავლესობამ აჩვენა.

CAT-ის ტიპის საგამოცდო მოდელით ჩატარებული საატესტატო გამოცდები საქართველოს 1520 საჯარო და კერძო სკოლაში ჩატარდა. რვადღიანი საგამოცდო პროცესი, სამინისტროს მიერ გატარებული კომპლექსური ღონისძიებების



საფუძველზე, წარმატებულად და ხარვეზების გარეშე წარმართა. მოსწავლეთა 30%-მა ცოდნის მაღალი დონე გამოავლინა და, შესაბამისად, მაღალი შეფასება დაიმსახურა, მათგან ხუთმა პროცენტმა კი საუკეთესო შედეგი აჩვენა.

გამოცდა 8 საგანში ჩატარდა: ქართული ენა და ლიტერატურა, უცხოური ენა (ერთ-ერთი), მათემატიკა, ისტორია, გეოგრაფია, ფიზიკა, ქიმია და ბიოლოგია. საატესტატო გამოცდები 23 მაისს ქართული ენისა და ლიტერატურის გამოცდით დაიწყო და 1 ივნისს მათემატიკის გამოცდით დასრულდა. საქართველოს მოქალაქე ეთნიკური უმცირესობის წარმომადგენლები გამოცდებს მშობლიურ ენაზე აბარებდნენ.

განათლებისა და მეცნიერების სამინისტროს პრესცენტრი

შავი ზღვის საერთაშორისო უნივერსიტეტი

IBSU

აცხადებს კონკურსს ძველთ ჩამოთვლილი აკადემიური თანამდებობების დასაკავებლად

ჰუმანიტარულ მიცნობათა ფაკულტეტი:
 ასოცირებული პროფესორი - 1
 შემდეგ სპეციალობაში: ამერიკული რომანი;

ასოცირებული პროფესორი - 1
 შემდეგ სპეციალობაში: ამერიკის ლირსშესანიშნაობები; კითხვა (მაღალი დონე)

კომპიუტერული ტექნოლოგიებისა და საინჟინრო სამეცნიერო ფაკულტეტი:
 ასოცირებული პროფესორი - 1
 შემდეგ სპეციალობაში: ინფორმაციული უსაფრთხოება და ქსელის უსაფრთხოება

ზიზნის მართვის ფაკულტეტი:
 ასოცირებული პროფესორი - 1
 შემდეგ სპეციალობაში: ფინანსები

სოციალურ მიცნობათა ფაკულტეტი:
 ასისტენტ-პროფესორი - 1
 შემდეგ სპეციალობებში: საერთაშორისო ურთიერთობები, პოლიტოლოგია

განათლების ფაკულტეტი:
 ასოცირებული პროფესორი - 1
 შემდეგ სპეციალობებში: ინგლისური ენა - აუდირება - მაღალი დონე, დაწყებითი სკოლის ფსიქოლოგია, ლიდერობა სკოლაში, გლობალური განათლება;

ასოცირებული პროფესორი - 1
 შემდეგ სპეციალობებში: დაგეგმვა და შეფასება განათლებაში, სასწავლო მასალების ადაპტირება და შეფასება, სამეცნიერო უნარ-ჩვევების განვითარება დაწყებით სკოლაში, განათლების ისტორია

მსურველებმა უნდა წარმოადგინონ შემდეგი საბუთები:

- ფოტოსურათი
- დიპლომის ასლი
- განცხადება
- პუბლიკაციების ქსეროასლი

საბუთები მიიღება 2011 წლის 18 ივნისიდან 7 აგვისტოს ჩათვლით, 9-დან 1 საათამდე

დამატებითი ინფორმაციისთვის დარეკეთ: 259 50 05 (128)
 საკონტაქტო პირი: ვიცე-კანცლერი გოდერძი ბუჩაშვილი

დაწყებითი კლასების კელაგობთა საყურადღებოდ!

საგანმანათლებლო ცენტრი „ლიბო მნტ“ გთავაზობთ მასწავლებელთა სასერტიფიკაციო გამოცდებისათვის მოსამზადებელი ტრენინგების კურსს მათემატიკაში. კურსი შექმნილია „ლიბო მნტ“ ნიგნიერების სახელმწიფო პროგრამის ბაზაზე.

პროგრამას გაუძღვებიან მათემატიკის სერტიფიცირებული პედაგოგები და დაწყებითი კლასების მასწავლებელთა მეთოდური სახელმძღვანელოს თანაავტორები.

მსმენელი მიიღებს საკითხავ მასალებს, საგამოცდო ტესტური ნიმუშების მიხედვით შედგენილ საფარჯიშოების კრებულს.

საკონტაქტო ინფორმაცია:
 თბილისი, აკ.წერეთლის გამზირი №128
 საკონტაქტო ტელეფონი: 2 47 89 19, 8 77 22 00 53

მერაბ ბერძენიშვილის სტუდია „მუზა“

გთავაზობთ ახალ საზაფხულო საგანმანათლებლო პროექტს, რომელიც მოიცავს:

- ხელოვნების ისტორიის შესწავლას (შემადგენელი ფილმების ჩვენება ხელოვნებაში);
- ხატვას (ბრაზილა, ფერწერა);
- უცხოურ ენათა დაუფლებასა და მხარდობის გაცნობას; (ინგლისური, გერმანული, ფრანგული, იტალიური, ესპანური, რუსული);
- მოსწავლენისათვის ქართული მხარდობის გაცნობასა და ნაკითხვების გააზრებას;
- საპარტიკლო ისტორიული ნარსულის შესწავლას (ბასკლით შესწავლის თემატიკაზე და მის გასაგებო ისტორიული ძეგლების დასათვალისწინებლად);
- ტექნიკური საგნებში მოგზაობას სპეციალური პროგრამით.

სწავლების პროცესი წარმართება სტუდია „მუზას“ აუდიტორიაში და ღია ციხეში, ბაღში.
 მსურველებს შესაძლებლობა აქვთ ამირჩიონ ერთი ან რამდენიმე დისციპლინა.
 საკონტაქტო ტელეფონი: 871 23 53 53



უზღუდული პასუხისმგებლობის საზოგადოება შპს „საქართველოს ფოსტა“ 1995 წლიდან ფუნქციონირებს და საქართველოს ეკონომიკისა და მდგრადი განვითარების სამინისტროს დაქვემდებარებაშია. მისი მთავარი მიზანი – დანერგვების, ორგანიზაციების, სახელმწიფო ხელისუფლებისა და მმართველობის ორგანოების, სხვადასხვა იურიდიულ თუ ფიზიკურ პირთა საფოსტო მომსახურება და მოთხოვნილების დაკმაყოფილებაა, საზრუნავი კი – საფოსტო ბაზარზე ღირსეული ადგილის დაკავება და თანამშრომელთა კეთილდღეობის გაუმჯობესება. სწორედ ამ მიზნით, მიმდინარე წლის ივნისში, საქართველოს ეკონომიკისა და მდგრადი განვითარების სამინისტროს „სსიპ საწარმოთა მართვის სააგენტომ“ საქართველოს ფოსტა დააჯილდოვა ნომინაციაში – „წლის სოციალური საწარმო“, ფოსტალიონის ინსტიტუტის შენარჩუნებისა და სხვადასხვა სოციალური ფენის წარმომადგენელთა მხარდაჭერისთვის.

საქართველოში ფოსტის არსებობას დიდი ხნის ისტორია აქვს. ძველ დროში ურთიერთკავშირის დასამყარებლად ადამიანები სხვადასხვა ხერხს მიმართავდნენ. იმხანად, ფოსტალიონის ფუნქციას „მალემსროლები“ და „შიკრიკები“ ასრულებდნენ. თუმცა, ადამიანის ფანტაზია უსაზღვროა და ზოგ ქვეყნებში გზავნილთა გასაცვლელად ფოსტალიონის როლს მტრედი ან ბოთლი ასრულებდა. თუმცა, გზავნილი მიაღწევდა თუ არა ადრესატამდე, არავინ უწყობდა. მართალია, დღეს ელექტრონული ფოსტის საუკუნეში ვცხოვრობთ, მაგრამ ინდონეზიაში „ბოთლის“ ტრადიცია დღემდე შემორჩენილი.

მე-19 საუკუნის დამლევს ქართული ეკონომიკური აზროვნების მნიშვნელოვანი წარმომადგენელი იოანე ბატონიშვილი მიიჩნევდა, რომ საფოსტო დანერგვების შექმნა ფრიად სასარგებლო იქნებოდა როგორც ხალხისთვის, ისე ხაზინის შემოსავლისთვის. ილიასეული გაზეთი „ივერია“ წერდა: „ფოსტა აახლოებს ადამიანებს, აცხოველებს ვაჭრობას და ხალხში განათლება შეაქვს!“

საქართველოში პირველი ფოსტის გადაზიდვასთანაა დაკავშირებული ქართული ურმის სახელი. სანკტ-პეტერბურგის კავშირგაბმულობის ცენტრალურ მუზეუმში გამოფენილ ფოსტის გადაზიდვის უძველეს საშუალებებთან ერთად წარმოდგენილია ქართული ორთვიანი ურემიც, რომლის ფოტოები ბერლინის საფოსტო მუზეუმის უნიკალურ ექსპონატთა შორისაა დაცული.

საქართველოში საფოსტო კავშირების განვითარებასთან განუხრელად იყო დაკავშირებული საფოსტო მიმოსვლის გაუმჯობესება კავკასიონზე გავლით – საქართველოდან რუსეთში.


საფოსტო კავშირი თანდათან ვითარდებოდა და ფოსტა ერთადერთი საშუალება გახდა წიგნების, გაზეთების, წერილებისა თუ სხვა გზავნილების გასაავრცელებლად. რაც მეტი ფოსტის სადგური იარსებებდა, მით მეტი ადამიანი ისარგებლებდა მისი სიკეთით.

1913 წლისთვის, საქართველოში, 108 საფოსტო განყოფილება ფუნქციონირებდა. დღესდღეობით კი, 1000-ზე მეტი განყოფილება და 60 ფილიალი არსებობს. „საქართველოს ფოსტა“, ქვეყნის მთელ ტერიტორიაზე, უნივერსალური საფოსტო მომსახურებითა და ყველაზე დაბალი ტარიფებით გამოირჩევა.

1993 წლიდან საქართველო მსოფლიო საფოსტო კავშირის წევრია, რისი საშუალებითაც საქართველოს საფოსტო ქსელი მსოფლიო საფოსტო კავშირის ქსელშია ინტეგრირებული

საქართველოს ფოსტაში მსურველს შეუძლია ისარგებლოს სხვადასხვა სახის ტრადიციული თუ დამატებითი მომსახურებით, კერძოდ:

გაგზავნოს და მიიღოს საფოსტო გზავნილები (წერილი, ბანდეროლი, ამანათი) როგორც მსოფლიო საფოსტო კავშირის, ასევე **Exspres mail Service** მსოფლიო ქსელში ჩართული საერთაშორისო დაჩქარებული ფოსტის ქსელის (EMS) მეშვეობით.



ექსპრესგზავნილების ჩაბარების ვადაა 2-დან 7 დღე. ჩვენ უზრუნველყოფთ გზავნილის ხელიდან ხელში ჩაბარებას მსოფლიოს ნებისმიერი ქვეყნიდან თუ ნებისმიერი ქვეყნის მიმართულებით.

მიმდინარე წლის აპრილში EMS ოქროს კატეგორიაში, **Business Initiative Direction**-ის მიერ, ხარისხის ლიდერობაში საერთაშორისო ვარსკვლავის ჯილდოთი იქნა დაჯილდოებული.

შპს „საქართველოს ფოსტა“ ქართული საფოსტო მარკების რეალიზაციაზე სპეციალური ექსკლუზივით სარგებლობს. საფოსტო მარკა საფოსტო საგადასახადო ნიშანი, ქვეყნის სავიზიტო ბარათი და ისტორია, რომელზეც ქრონოლოგიურადაა ასახული ცალკეული მოვლენა, ფაქტი თუ ქვეყნის კულტურა.

ქართული მარკის დამკვიდრება ცალკეული თემატური ნიშნის მიხედვით ხდება. საქართველოში მარკების გამოცემას დიდი ხნის ისტორია აქვს. 1993 წლიდან დღემდე 550-მდე სხვადასხვა სახის საფოსტო მარკა და რამდენიმე სასუვენირო ფურცელი გამოშვებული, რომლებიც ფილატელისტთა დიდ ინტერესს იწვევს.

შპს „საქართველოს ფოსტა“ ყოველწლიურად აცხადებს სხვადასხვა თემატიკისა და დიზაინის საფოსტო მარკების ესკიზებზე ანაზღაურებად კონკურსს, რომელშიც ნებისმიერ დაინტერესებულ პირს შეუძლია მონაწილეობის მიღება. საუკეთესო ესკიზის ავტორი გარკვეული ფულადი პრემიით ჯილდოვდება.



საქართველოს ფოსტა

- **საპურირო მომსახურება** – გზავნილის 24 საათში ჩაბარების სერვისი.
- **პირდაპირი ფოსტა** – სარეკლამო ფლაერებისა და ბროშურების გავრცელება ქვეყნის ნებისმიერ კუთხეში.
- **სატვირთო გადაზიდვები** – თბილისიდან საქალაქო და რაიონულ ცენტრამდე და პირიქით.
- **კომუნალური მომსახურების გადახდების მიღება** – მომსახურება 0% .
- **სწრაფი და მომენტალური გადახდები** – TBC PAY-ის ქსელის საშუალებით.
- **შურნალ-გაზეთების გამონერა და ბინაზე მიტანა, დეკების, ფაქსის გაგზავნა, საერთაშორისო და საქალაქთაშორისო ზარების განხორციელება.**
- **სულ მალე საქართველოს ფოსტის მომსახურებელს საშუალება ექნება, ეწვიოს ჩვენს ვებგვერდს – WWW.GEORGIANPOST.GE და სახლიდან გაუსვლელად მოიძიოს, სად არის მისი გზავნილი.**

„საქართველოს ფოსტა“ მომსახურების სიღრმე და ხარისხიანი თანხის მრავალფეროვნებით, ფართო ქსელითა და დაბალი ტარიფებით



ნამიარი შებენიანების, საბანთა ხედვის სიტყვიერი გადმოცემა

იაპონია მსოფლიო ყურადღების ცენტრში, რამდენიმე თვის წინ, შემზარავი ცუნამის გამო მოექცა და იაპონელი ხალხის მხარდაჭერა მსოფლიო საზოგადოებამ სხვადასხვა ღონისძიებით გამოხატა. ეს თანადგომა იაპონელი ხალხისთვის ერთგვარი ძალის მიმცემია, რათა კიდევ უფრო გაძლიერდნენ და დაძლიონ თავს დამტყდარი უბედურებით გამოწვეული უიმედობა. „სოლიდარობა იაპონიას“ – ყველაფერი კარგად იქნება და ყველაფერი პოზიტიური წინ არის, ამ მოწოდებას თბილისის 147-ე საჯარო სკოლის X³ კლასის მოსწავლეები იაპონური პოეზიის საღამოთი გამოეხმაურნენ.

პროექტი „იაპონური პოეზია“ ქართული ენისა და ლიტერატურის მასწავლებლის **მაია ტაბიძის** ხელმძღვანელობით განხორციელდა. პროექტზე, ასევე, მუშაობდნენ **მარიამ კალანდარიშვილი** და **ნინო ჩახუნაშვილი**. იდეა მოსწავლეებს ეკუთვნით. როგორც მათ გვითხრეს, ჯერ კიდევ IX კლასში სწავლისას ძალიან მოსწონდათ იაპონური პოეზია და წელს მაია მასწავლებელს სთხოვეს, ამით დაინტერესებულიყო მათთან ერთად და პოეზიის საღამო მოეწყოთ. ერთობლივი მუშაობის შედეგმა არ დაყოვნა და შექმნეს პროექტის ელექტრონული ვერსია, რომლის წარდგინებაც საჯაროდ მოაწვევს.

ერთ პროექტში მოქცეული, დიდი გემოვნებით შერჩეული, მსოფლიოში ერთ-ერთი გამორჩეული და სპეციფიკური ხელოვნების (რომელიც აღმოსავლურ კულტურაზე და ხელოვნებაზეა დაფუძნებული) – იაპონური პოეზიის მოსმენა მართლაც სასიამოვნო აღმოჩნდა. პროექტორზე კი, მოსწავლეების ნაამბობს ფოტომასალითა და მუსიკით გაფორმებული ვიდეომასალა სდევდა.

იაპონური პოეზიის სხვადასხვა ჟანრობრივი მიმართულებებიდან, მოსწავლეებმა ჯერ ტრადიციული იაპონური ლირიკული პოეზიის ერთ-ერთი ყველაზე გავრცელებული, სიმბოლური დატირების მქონე ჟანრი – ჰაიკუს შედევერები წაიკითხეს. ტერმინი „ჰაიკუ“ XIX საუკუნის იაპონელ პოეტ მასაოკა შიკის უკავშირდება, თუმცა მის მამამთავრად მაცხოვრებელი, XVII საუკუნის იაპონელი პოეტი ითვლება. ეს უკიდურესად მოკლე სტრუქტურული ლექსია, რომლის მიზანი ნამიერი შეგრძნებების, საგანთა ხედვის გადმოცემაა. ჰაიკუ უნდა შეიცავდეს ერთ კიგოს, ანუ წელიწადის ერთ-ერთ, დროის სახელს ან ისეთ სიტყვას, რომელიც წელიწადის რომელიმე დროს მიგვანიშნებს, მაგალითად: „ახალი წელი“, „ატმის ყვავილობა“ და ა.შ. თუმცა, კიგოს წარმოქმნის ასევე „სავსე მთვარის“ ხსენებაც. ეს ერთგვარი მომენტალური სურათია, რომელიც არ უნდა ჩანდეს მთხრობელი. გამორიცხული არაა იუმორი. ჰაიკუმ მკითხველში ფანტაზიის უნარი უნდა აღძვრას და წარმოსახვით ესა თუ ის სურათი დაანახოს. ჰაიკუსთვის რითმა არ არის დამახასიათებელი.

ჰაიკუს პოეზია იაპონურ კულტურაში ჩამოყალიბდა ხალხური სიმღერების, ხუმრობებისა და მხიარული შაირების საფუძველზე. პოეზიის ეს სახეობა სრულყოფილებას იძენდა სალონური თამაშების პროცესში. თამაშის წესით, საჭირო იყო გონებაშიზვილობისა და საზრიალობის დემონსტრირება. ლექსის თქმა

კი მთლიანად დაფუძნებული იყო იმპროვიზაციასა და სხარტ გარიტმზე. ხშირად ჰაიკუს პოეტური აზრი გამოუცხობი რჩებოდა. მაგალითად, ჰაიკუს ჟანრის სახელგანთქმულმა იაპონელმა პოეტმა მაცუო ბასიომ შემდგომ მთელი სამყარო აესახა ამ ლექსში:

„შემოდგომის მწუხრისას ყვავი მარტოდმარტო ზის გამხმარ ტოტზე.“

ან თუნდაც:

„უშნო ყვავი ისიც ლამაზია ზამთრის დილას უმანკო თოვლზე.“

XVI-XVII საუკუნის ხოკუს – ბასიეს, ისას, კიკაკუს, მაცუო ბასიოს, ტინის, ტაიგის, ბუსონის, ტეიძო ნაკამურასა და კოჩირო ნაკატას მშვენიერი პოეზიის, ასევე მშვენიერი, ქართული თარგმანების შემდეგ, მოსწავლეები შეეცადნენ, ტანკით დაეტკობთ მსმენელი („ტანკა“ იაპონურად სიმღერას ნიშნავს). ორი ათასწლეულის წინ ჩამოყალიბებული ტანკა 5 სტრიქონისა და 31 მარცვლისგან შედგება და არსებითად განსხვავდება ევროპული სალექსო ფორმებისგან. ლაკონური, კონცეპტუალურად და ემოციურად დატირებული უძველესი ტანკების ავტორებად გვევლინებიან იმპერატორები, პრინცესები, ფეოდალები, მაღალი წრის ქალბატონები და განსხვავებული ბერები. მათი სალიტერატურო ენა მეტაფორების ჰარმონიულ ნაზავს წარმოადგენს. აი, რას წერს ტეიძო ნაკამურა: „სამშობლოში რამესთან ერთად ხურმაც ტკბილია“. უცნობი ავტორის მიერ დაწერილი ტანკა კი ნებისმიერ ადამიანს გამოადგებოდა „მასწავლებლად“:

„გაკეთე ისე, როგორც შენამდე უკეთებიათ და გააკეთე უკეთ. შემდეგ დაღწე ყველაფერი და ისე გააკეთე, როგორც მანამდე არავის გაუკეთებია. ხვალ კი სხვა მოვა.“

აცუტადას, სუვოს, სადაიეს, კანკეს, სადაკატა ფუჯივარას, ბერი კისენის, იმპერატორ გოტობას და სხვათა ტანკების ქართული ვერსიები სიყვარულზე, სევდაზე, მარტობასა და ადამიანურ ურთიერთობებზე მოგვითხრობს, თუმცა, საბოლოოდ, მაინც უფრო ღრმა და ფარულ აზრებს გვაძებნიებს.

„ღრმა სინანულით ვუხმობ მეგობრებს, მძულან თვალითაქცი მტრები... მორჩა

სიცოცხლე! ზვას უკანასკნელს ვიკვლევთ ცეცებით ხელის... სამარადჟამოდ ვეძებ სიმშვიდეს...“

(იმპერატორი გოტობა)



ამ ყველაფრის მოტანა მოსწავლეებმა მართლაც დიდი ემოციითა და, რაც მთავარია, სწორად შეძლეს. პოეზიის საღამო დასრულდა, მაგრამ მყურებელი ისევ რალაცის მოლოდინში იყო, ეს რალაც სწორედ იაპონური პოეზიით თავს მოხვედრილი დიდი შთაბეჭდილება იყო. მონანილებმა, სამახსოვროდ, ფურცლებზე დაბეჭდილი პოეზიის ნიმუშები დაგვირგვინეს, იქვე გაჩნდა იდეა, რომ აიკინძოს და ამ სახით შეინახოს სკოლაში. კრებული ნებისმიერ მასწავლებელს გაუწევს დახმარებას, მოსწავლეები აზიაროს იაპონური პოეზიის ამ უმშვენიერეს ნიმუშებს და მოუთხროს იაპონელ პოეტებზე, რომ: „როგორც ჩინელი ხელოსნები ნემსის წვერით ბრინჯის ერთ მარცვალში მთელ მოთხრობას ამოკანრავდნენ ხოლმე, ასევე, იაპონელი პოეტებიც თავიანთ ტრადიციულ სალექსო ფორმებში – ხუთსტრიქონიან ტანკასა და სამსტრიქონიან ხოკუში მთელ თავიანთ სიცოცხლეს ტევდნენ“.

შთაბეჭდილება:

ნატო შარაშიძე, პედაგოგი: დიდი სურვილი მაქვს, რომ ასეთი არაჩვეულებრივი პროექტების ფონდი შეიქმნას სკოლაში, რომელსაც შემდეგ მასწავლებლები გამოვიყენებთ გაკვეთილებზე. ბუნებრივია, მასწავლებლის დამსახურებაა, როცა მისი მოსწავლეები ასე ორიგინალურად აზრდებენ და ასეთივე ორიგინალურ თემებს ირჩევენ. მაია მათ მხოლოდ ლიტერატურას კი არა, ხელოვნების სხვა დარგებსაც ასწავლის.

აზა მირგაბიძე, პედაგოგი: დღევანდელი საღამო იაპონური პოეზიის, მხატვრობისა და მუსიკის გემოვნებიანი სინთეზი იყო. ეს მოსწავლეებმა ძალიან ნიჭიერად მოიტანეს ჩვენამდე.

ლალი დუნდუა, 147-ე საჯარო სკოლის დირექტორი: არაჩვეულებრივი საღამო იყო. დღეს მოსწავლეებმა მართლაც სიღრმისეული პოეზია წავიკითხეს, თუ შეიძლება ითქვას, ამაღლებული, გრძობებით სავსე განწყობა შექმნეს. რაც მთავარია, ასეთი პროექტები მათთვისევა სასარგებლო. თუნდაც ის, რომ იაპონური პოეზიით დაინტერესდნენ, ამდენი რამ წაიკითხეს და ისწავლეს, უკვე წარმატებაა, რისთვისაც დიდ მადლობას იმსახურებენ, თავიანთ პედაგოგთან ერთად.

პროექტის მონაწილეები:

თამუნა ქსოველი: ჩემთვის ძალიან საინტერესო იყო ამ პროექტზე მუშაობა, ძალიან დიდი აზრი დევს თითოეულ ლექსში.

მარიამ კალანდარიშვილი: დაბალ კლასებში იაპონურ პოეზიას აზა მასწავლებელმა გვაზიარა, რამაც ძალიან დიდი შთაბეჭდილება მოახდინა. წელს კი, მაია მასწავლებელს ვთხოვეთ, რომ უფრო სიღრმისეულად შეგვესწავლა და მოგვემზადებინა ასეთი სახის პროექტი. მართლაც ძალიან საინტერესო აღმოჩნდა მუშაობის პროცესიც და ვფიქრობ, პროექტიც. რაც მთავარია, ჩვენ ბევრი რამ შეგვიძინა, უამრავი მასალა მოვიძიეთ, თან ნივრებით და არა ინტერნეტით.

ნინო ჩახუნაშვილი: ძალიან ბევრი ვიპრობეთ, მაგრამ, ვფიქრობ, რომ ღირდა. იაპო-

ნურმა პოეზიამ იაპონელი ხალხის სულიერი სამყარო დაგვანახა, ღრმა და მრავლისმომცველი. ბევრი რამ შევიტყვეთ მათზე და, რაც მთავარია, ჩვენი ცოდნა, თვალსაწიერი კიდევ უფრო გავამდიდრეთ.

შორენა აბრამიშვილი: დიდი სიამოვნება მოგვანიჭა პროექტზე მუშაობამ, უამრავი მასალა მოვიძიეთ, წავიკითხეთ, დავამუშავეთ. ბევრი რამ გავიგეთ იაპონური პოეზიის შესახებ, რომელიც ასე გრუსხავს და გაფიქრებს.

დაბოლოს, ისევ იაპონურ პოეზიას მივუბრუნდები, ზემოთ ვახსენე მაცუო ბასიოს მინიატურა, რომელმაც ჩემზე დიდი შთაბეჭდილება მოახდინა და ასეთი განწყობა შექმნა: ყვავი, გამხმარი ტოტი, მოახლოებული მწუხრი, გვიანი შემოდგომა. ერთი ფერი შესრულებული პეიზაჟი, სიჩუმისა და მწუხრის განცდა. მის მეორე მინიატურაში კი მარადიულისა და წუთიერის შერწყმაა:

„ძველი გუბურა ბაყაყი ჩახტა წყალში: ტყაპ! გაისმა სიჩუმეში.“

ძველი გუბურა მარადიულია და მის მარადიულობაში რომ შეაღწიო ცნობიერებით, საჭიროა ერთგვარი წუთიერი ძვრა – ხტომა. ამ მინიატურას სერიოზულად დაფიქრება სჭირდება. ხტომაა საჭირო, სწორი ხტომა, რათა მარადიულობას შეერწყა.

იაპონური პოეზიის საღამომ, ამ ცოტა ხნის წინ, თბილისში გამართული არტაქცია „საკურას ყვავილობა“ გამახსენა, რომელშიც იაპონელი ხალხის მხარდასაჭერად მონაწილეობდნენ ქართველი ფოტოგრაფები, მხატვრები და მუსიკალური ბენდი. სწორედ ამ გამოფენაზე შესრულდა კომპოზიცია „საკურა“, რომლის სიტყვებითაც დავასრულებ ნერის: „ბოლოს ჩვენ დავუბრუნებთ ზღვას თავის ფერს, ცას თავის ფერს და მზე ისევ გაგვატობს“.

ლალი ჯელაქი



სწავლება თავშეკცხვით

რამდენიმე წელია ნიგნის მალაზიის თარო-ებზე მყარად დაიმკვიდრეს ადგილი ვიოლეტა კვირიკაშვილის სახალისო შეკითხვების კრებული...

გონებრივ შესაძლებლობებს. გულნაკულს არავის ტოვებს: 100 შეკითხვის შემდეგ ყოველ მათგანს ელოდება მიღებული ქულების შესაბამისი წამახალისებელი ჯილდო.

ფეროვნება: ყველა შეკითხვა არ საჭიროებს პირდაპირ პასუხს, მათი ნაწილი მოზარდისგან დაკვირვების უნარს, ლოგიკურ აზროვნებას და მიხვედრილობას მოითხოვს.

ბარი წარმატებით გამოიყენება საბავშვო ბაღებში, სკოლებსა და ოჯახებში ინდივიდუალური ან ჯგუფური მეცადინეობისათვის.

„კატარა ინტელექტუალი 2“-დან 9-10 წლის ბავშვებისთვის

- 1. ქალაქი, რომელიც შეგზავნი იყო 4 ცხენი, განიარა 24 კმ. რამდენი კილომეტრი განიარა თითოეულმა ცხენმა?
2. რას გულისხმობს პოეტი ნათქვამი: „ტყვამაღი გამოსულა პირანგის აბარა“?

- 5. მოცემული ლათინური სიტყვებით ააწყვე წინადადება: „წინაშესვლელობა არის უპუსვლა“.
7. რამდენი პასუხი შეიძლება ჰქონდეს ამოცანას?
8. ვინი სიტყვებით: „ეკეპით და იპოვით, დააკაპეთ და გაბიღებანი“?

- 13. რა ჰქვია მხატვრის ფუნჯს?
14. შეიძლება თუ არა კომპანის მშვენიერებით მიწისქვეშა რკინის მადნის აღმოჩენა?
15. რომელი უცხოური ფირმა აწარმოებს მოგილურ ტელეფონებს?

„ინტელექტუალი II“-დან 14-15 წლის მოზარდებისთვის

- 1. ძარბველთა რომელ ბრძოლაში იხილეს გაცხადებულად წმ. გიორგი?
2. ვინი სადიდებელია „შენ ხარ ვენახი“?
3. როგორ ღვარს ლათინურად ოლიმპიური თამაშების დევიზი „უფრო სწრაფად, უფრო მაღლა, უფრო შორს“?

„ინტელექტუალი I“-დან 12-13 წლის მოზარდებისთვის

- 1. რომელია განსაზღვრების სინონიმი?
2. რა ჰქვია კომპოსტოს ან თაღბამის ნაყოფს?
3. რა ჰქვია დიდ ისტორიულ მოწვევით?
4. რომელი მათგანი შეისწავლის ზეპირმეტყველებლის კანონებს?
5. რა ჰქვია ფრინველის ნახ, მოხდენილ სიარულს?

- 4. ლეგენდის თანახმად, რომელი ბარბაროსი მფე დაპყრობის მდინარე ტისას ფსკარზე?
5. როგორი სამკურნალის სიმალეები არ იკვეთება სამკურნალის შიგნით?
6. რომელი ზღვა არ არის გამოყოფილი ოკეანისგან და არ გააჩნია მუდმივი საზღვრები?
7. რა ეწოდება ჯერ კიდევ შეუმზად ბათიამაზი წანგული საღებავით შესრულებულ ნახატს?

„კატარა ინტელექტუალი 3“-დან 10-11 წლის ბავშვებისთვის

- 1. რომელი მცენარის მოსავლის აღებას უკავშირდება ივლისის კველ-ქართული სახელი „მკათათმე“?
2. რომელია ზადგამი?
3. შეარჩიე წყვილი, სადაც არის „ნაწილი-მთელი“:
4. რა ჰქვია კახეთის ყვავილა მავალ მთას?

წიგნების შეკენის მსურველები დაგვიკავშირდით 20 ივნისამდე.
ვიოლეტა კვირიკაშვილი - ტელ.: 890 516175, 893 134881, ელფოსტა: violeta.kvirikashvili@yahoo.com
„ახალი განათლების“ რედაქცია - 890 958023; 958023.
შეკითხვების შემთხვევაში, წიგნს მიიღებთ ახალი სასწავლო წლის დასაწყისში - სექტემბერში

ლონისძიებებით შეჯამებული კიდევ ერთი სასაწავლო წელი

სასწავლო წლის დასასრული შემაჯამებელი გაკვეთილებით, კონფერენციებითა და ზეიმებით აღინიშნება. ამ ტრადიციას არც 47-ე საჯარო სკოლაში ღალატობენ (დირექტორი – ირმა ხუციშვილი). განსაკუთრებით მნიშვნელოვანი ეს დღე დაწყებითი კლასების მოსწავლეებისთვისაა – ისინი ერთგვარ ანგარიშს აბარებენ თავიანთ მასწავლებლებსა და მშობლებს, ამიტომაც ღელავენ, ცდილობენ ყველას მოაწონონ თავი.

ამჯერად III-IV-V კლასელებმა ინგლისური ენის ცოდნით გამოიჩინეს თავი. III კლასის ინგლისური ენის პედაგოგმა ქეთი არჩვაძემ სწავლებელ სპექტაკლად „ნითელქუდა“ აირჩია. ანა იმნაძემ (ნითელქუდა), სანდრო მჭედლიშვილმა (მგელი) და სოფო სტეფანაშვილმა (ბებია) მშვენივრად გაართვეს თავი როლებს; IV-კლასელებმა (პედაგოგი – თინა ბერიძე) „ფიფქისა“ როლი ჯუჯა“ დადგეს. „ფიფქისა“ როლი ნინო მარგიშვილმა შეასრულა, დედინაცვლის – თათია მაისურაძემ; მარიამ მარგიშვილი და თიკო სირაძე სპექტაკლის წამყვანები იყვნენ, ლიკა სამუშია, ნინო ძანაძე,

ეკატერინე მჭედლიძე, მარი აზარიშვილი... – ჯუჯები; კლასის პედაგოგებმა – ქეთი არჩვაძემ და თინა ქარცივაძემ „კონკია“ წარმოადგინეს. ნინო ქუთათელიძემ (ფერია), საბა ბარქიამ (ავტორი) და ხატია გაფრინდაშვილმა (კონკია) დამსწრეთა ოვაციები დაიმსახურეს. კათედრის გამგემ, ლუიზა დონდუამ, თითოეული ბავშვისა და მათი პედაგოგების მიერ განეული შრომისა და მიღწეული შედეგის გამო შეაქო სპექტაკლების მონაწილეები. განსაკუთრებით ემოციური იყო კანადელი მასწავლებლის ჯეინ ლუს შეფასება: „აღფრთოვანებული ვარ ინგლისური გრამატიკის ცოდნით, სწორი გამოთქმებით, პატარების მსახიობური მონაცემებით. მათ მშვენივრად გაართვეს თავი სიმღერებითა და ცეკვებით დატვირთულ სცენებს“.

ამავე სკოლის უფროსკლასელებმა მეზობელი 43-ე სკოლის სცენაზე სხვა ამპლუაში წარმოაჩინეს თავი – V-XII-კლასელებით დაკომპლექტებულმა ვოკალურმა ანსამბლმა თავისი შემოქმედების

პრეზენტაცია მოაწყო. ანსამბლის შექმნის იდეა 47-ე სკოლის მუსიკის პედაგოგს, ნანა აბზიანიძეს, ჯერ კიდევ გასულ სასწავლო წელს დაებადა. ჩანაფიქრი სისრულეში მთვის წინ მოიყვანა და ამ მცირე ხანში საკმაოდ სერიოზული რეპერტუარიც შეიქმნა. იმ დღეს ანსამბლმა სულ ექვსი სიმღერა შეასრულა; მსმენელი აღფრთოვანებას ვერ მალავდა მოკლე დროში მიღწეული შედეგის გამო. „ეს მარტო ჩემი და მსახურება არ არის, – გვითხრა ქალბატონმა ნანამ, – ანსამბლს ჩემთან ერთად „ქართული ხმების“ სოლისტი, ანსამბლ „უნივერსიტეტის“ ხელმძღვანელი ვასიკო დოლიძე უძღვება, მე დირიჟორი ვარ. ძალიან ნიჭიერი მოსწავლეები არიან, უყვართ ქართული სიმღერა, რეპერტუარიც ისე გვირგვინდა შევადგინოთ, რომ ფოლკლორის გარდა ენაქაურო და სხვა ჟანრის სიმღერებიც შეასრულონ, ერთი ჩეხი ავტორის სიმღერასაც ვასრულებთ.“

რატომ მოვედით ამ მინი-კონცერტით 43-ე სკოლაში? საქმე ისაა, რომ ჩვენი სკოლების პედაგოგებს მეგობრობის კარგი ტრადიცია გვექონდა. ბოლო ხანს ეს ურთიერ-



თობები შესუსტდა. სურვილი მაქვს, იგი ახალმა თაობამ აღადგინოს და გააგრძელოს ერთობლივი ღონისძიებებით ან ერთმანეთს ვესტუმროთ ხოლმე მსგავსი საღამოებით. გარდა იმისა, რომ ეს ბევრ სასიკეთოს შესძენს ჩვენს ახალგაზრდებს, მათ გაცნობასა და დამეგობ-

რებას შეუნყოფს ხელს. ვფიქრობ, ეს ყველაზე მნიშვნელოვანია“.

43-ე სკოლის IV კლასის მოსწავლეებმა (პედაგოგი – თიკო ალაიძე) ლიტერატურულ-მუსიკალური კომპოზიცია წარმოადგინეს. ეს იყო ინსცენირებული ნოდარ დუმბაძისა და ეგნატე ნინოშვილის ნაწარმოებებიდან – „მე ვხედავ მზეს“, „მე, ბებია, ილიკო და ილარიონი“, „შელადოსი“ და „კაცია მუნჯაძე“. მონაწილეობდნენ: ლუკა ბლუაშვილი (იანგული), მიშკო ნიუარაძე, დათო ასრატინი, მარიამ ქართველიშვილი, ანა იაშვილი, რატი კეთილაძე, გია ბუთაშვილი. აღსანიშნავია, რომ თითოეული მათგანი ძალიან კარგად ასრულებდა საკუთარ როლს, თუმცა ლუკა ბლუაშვილისა და მარიამ ქართველიშვილის მიერ განსახიერებული იანგული და ბებია განსაკუთრებული აღნიშვნის ღირსია, არაჩვეულებრივი არტისტიზმი და შესრულების გამოჩვეულად გულწრფელი მანერით დამსახურებულად მიიღეს მათ პედაგოგების, მშობლებისა და თანატოლების ოვაციები.

ანა ფირცხალაიშვილი



პურის ანბელოზი

144-ე საჯარო სკოლაში (დირექტორი – მანანა კიკაჩიშვილი) ჩატარდა ღონისძიება, სახელწოდებით – „პურის ანგელოზი“, ინიციატორი და რეჟისორი – დანეშვილი კლასის პედაგოგი მაია ცომაია, მონაწილეობდნენ IVა კლასის მოსწავლეები.

მასწავლებლის დახმარებით, სხვადასხვა საინფორმაციო წყაროების მეშვეობით, ბავშვებმა შეაგროვეს და შეისწავლეს პურის სხვადასხვა ჯიშის ისტორია. დადგეს და სცენაზე წარმოადგინეს ნაწყვეტები პურზე შექმნილი ნაწარმოებებიდან – ნუგზარ შატაიძის „პურის მოთხრობა“ და შიო მღვიმელის „პურის ანგელოზი“. მოსწავლეებმა არა მარტო თემის ირგვლივ არსებული ინფორმაციის ცოდნა გამოამჟღავნეს, არამედ თეატრალური, ქორეოგრაფიული და მუსიკალური შესაძლებლობები. ღონისძიების რეჟისორ მაია ცომაიას დაეხმარნენ ცეკვის პედაგოგი გივი ზურციძე, ხატვის პედაგოგი ფიქრია შათირიშვილი, მუსიკის პედაგოგი მარინა კელეპტრიშვილი. ხატვის პედაგოგის მიერ შესრულებული ნახატის მეშვეობით პურის ანგელოზის ზღაპარი თითქმის სრული შინაარსით იყო გამოსახული პანორამაზე, რომელიც სცენის ცენტრალურ კედელს მოიცავდა და ინტერიერს სრულყოფილებას სძენდა.

შთაბეჭდავი იყო მოსწავლეთა დამოკიდებულება ფოლკლორისადმი და ქართული მუსიკის სამხ-

მოვანი გაჟღერება, რის დამუშავებაშიც დიდი წვლილი მიუძღვის პედაგოგ მარინა კელეპტრიშვილს.

ღონისძიებას ესწრებოდნენ სკოლის ადმინისტრაცია, პედაგოგები, მშობლები და მოწვეული სტუმრები, მათ შორის იყვნენ: სოფლის მეურნეობის მეცნიერებათა აკადემიური დოქტორი, აგროტექნოლოგიური დეპარტამენტის ასოცირებული პროფესორი ხათუნა დობორჯგინიძე, აგარარული უნივერსიტეტის სოფლის მეურნეობის მეცნიერებათა დოქტორი, სრული პროფესორი, აგროტექნო-

ლოგიური დეპარტამენტის უფროსი ცოტნე სამადაშვილი.

ბატონმა ცოტნემ სიტყვით მიმართა მონაწილეებს და უსურვა, ის ცოდნა, რომელიც ღონისძიების მომზადების დროს მიიღეს, პრაქტიკაში გამოიყენონ, რათა ქართული ტრადიციული პურის მოყვანის კულტურა შევინარჩუნოთ და ავალოროძინოთ. ქალბატონმა ხათუნა დობორჯგინიძემ აღნიშნა, რომ მოსწავლეთა მიერ გამოქვეყნებული ცოდნა, მათი ასაკის მიუხედავად, მეტ განვითარებას საჭიროებს და სკოლის ადმინისტრაციას

შესთავაზა მემორანდუმის გაფორმება და სხვადასხვა კონფერენციებში მონაწილეობა. ამ კუთხით ცოდნის გაღრმავებაში სკოლას დახმარებას გაუწევს აგარარული უნივერსიტეტის აღნიშნული დეპარტამენტი. სტუმრებმა დამსწრე საზოგადოებას წარუდგინეს მათ მიერ შექმნილი და პატრიარქის ლოცვა-კურთხევით დაბეჭდილი წიგნი ქართული ღვინისა და პურის შესახებ. მონაწილეებს სკოლის დირექტორმა მანანა კიკაჩიშვილმა მიმართა, ღონისძიების თემის აქტუალობაზე გაამახვილა ყურა-

დღეობა, პედაგოგსა და ყველა მონაწილეს მადლობა გადაუხადა განეული შრომისთვის და პრობლემის გადაჭრის სწორად გაზარებისათვის. ღონისძიების ბოლოს ემოციური იყო კლასის დამრიგებლის და რეჟისორის მაია ცომაიას გამოსვლა – დაემშვიდობა კლასს, რომელთანაც გაატარა ოთხი წელი და დაულოცა გზა განათლების მიღების შემდგომი ეტაპისკენ.

თბა ძორაშვილი
ისტორიის პედაგოგი



ჩვენ ყველანი ბავშვობიდან მოვლივართ

ზურაბ ანჯაფარიძის სახელობის 28-ე სამუსიკო სკოლა (დირექტორი – **ხათუნა ანდლუაძე**) სამ ათეულ წელს ითვლის. სკოლაში საფორტე-პიანო, საორკესტრო და საგუნდო განყოფილებებია. საზოგადოებისთვის ხელოვნების სკოლა ცნობილია იმიტომ, რომ აქ არაერთი პროფესიონალი მუსიკოსი აღიზარდა. სამუსიკო სასწავლებელი დღესაც ჩვეული ტრადიციით აგრძელებს მუშაობას. 14 ივნისს სამუსიკო სკოლის საბავშვო მუსიკალურმა თეატრმა „ზღაპარ ქალაქი“ მაყურებელს პრემიერა შესთავაზა – სპექტაკლი „ბავშვობის ქვეყანა“ (რეჟისორი – **ზაზა კავთუაშვილი**) და **მანანა მერაბიშვილის** სიმღერებით ბავშვობის ქვეყანაში ამოგზავნა.

მოედანზე ლაღად მოთამაშე ბავშვებსა და იქვე სკამზე ჩამომსდარ მოხუცებს შორის მცირე უკმაყოფილებაა, მათ მოედანი ვერ გაუყვარდა. მოხუცები ბავშვებს მოედანს არ უთმობენ სათამაშოდ და სხვაგან, ჭაობიანი ადგილისკენ დევნიან. ცელქი პატარები არ ნებდებიან, რის გამოც სცენაზე დიდი ჭიდილია. ბავშვები გადაწყვეტენ, რომ სიმღერებით მოაწონონ თავი მოხუცებს, იქნებ გული მოუღებთ და ამით მოედანი დაისაკუთრონ. მომღერალი ბავშვები კარგა ხანს ცდილობდნენ მოხუცების გულის მოგებას და მათთვის საოცარ მუსიკალურ ნომრებს ასრულებდნენ. ამ ოინმა, დიდი მცდელობის შემდეგ, გაჭრა და მოხუცები ბავშვობის ქვეყანაში დააბრუნეს, შემდეგ კი ერთად ბევრი იმღერეს, იცეკვეს და იმხიარულეს.

სცენარი სკოლის მუსიკალური ხელმძღვანელის, ქალბატონ **რუსუდან გვეტაძის** მასალებსა და კომპოზიტორ მანანა მერაბიშვილის სიმღერებზე რეჟისორმა ზაზა კავთუაშვილმა ააგო. მართლაც სახალისო და საინტერესოდ საყურებელმა სპექტაკლმა მსმენელზე დიდი შთაბეჭდილება მოახდინა.

„ეს ბავშვები გამორჩეული არიან მუსიკალური ნიჭით, – გვითხრა ქალბატონმა **რუსუდან გვეტაძემ**, – თუმცა, მათ მსახიობურ ნიჭსა და ქორეოგრაფიასაც უდავოდ სჭირდება შექება. ძალიან სასიამოვნოა, როცა ერთად თავმოყრილ 22 აღსაზრდელს გზებზე სცენაზე. მათ შორის ყველაზე პატარები 5 წლის მარი თარაშვილი და თამარ შველიაშვილი იყვნენ. რაც მთავარია, მიხარია, რომ ჩვენი შრომის შედეგად ასეთი მშვენიერი სპექტაკლით დაგვირგვინდა.“

თამილა თაბაგარი, 28-ე ხელოვნების სამუსიკო სკოლის სასწავლო ნაწილის გამგე: „ეს ყველაფერი ჩვენი სკოლის ბაზაზე გაკეთდა. ჩვენმა აღსაზრდელებმა ქალბატონ რუსუდან გვეტაძესთან ერთად სკოლის გაკვეთილები გააფართოვეს და თეატრის სახე მისცეს. სპექტაკლში ყველანაირი მონაწილის ბავშვი გაერთიანდა. სულ 7 თვეა, რაც ვფუნქციონირებთ, ბავშვებმა თანდათან მიიღიეს უკეთეს დონეს, ამას დღევანდელი შედეგით მონიშნავს. ვიდრე დიდ სცენაზე

გამოვიდოდნენ, ბევრი იმუშავეს. ჩვენთვის ქალბატონი მანანა მერაბიშვილი საყვარელი კომპოზიტორია, მისი შემოქმედების უდიდესი ნაწილი ბავშვებისთვის დაწერილ სიმღერებს ეთმობა. სიმღერების მელოდიურობის გამო, პატარებს მისი კომპოზიციების შესრულება განსაკუთრებით უყვართ. დღესაც მშვენივრად გამოუვიდათ, ვულოცავ მათ ამ ნარმატებას.“

სალომე წურწუშია, ქორეოგრაფი: „ზღაპარ ქალაქში“ ხუთი წელია ქორეოგრაფად ვმუშაობ, დღევანდელი სპექტაკლისთვისაც ქორეოგრაფია მე გავაკეთე. ძალიან საინტერესოა ბავშვებთან მუშაობა, ყოველწლიურად იცვლებიან ისინი. აღსანიშნავია, რომ ეს ბავშვები არ არიან მოცეკვავეები, მაგრამ სიმღერასთან ერთად მშვენივრად ითვისებენ ქორეოგრაფიას. ძირითადად, მე მუსიკას ვარგებ ქორეოგრაფიულ ილეთებს.“

ზაზა კავთუაშვილი, რეჟისორი: „ბავშვებთან მუშაობის გამოცდილება მაქვს, სხვადასხვა სკოლაში ვდგამ ხოლმე სპექტაკლებს, ბოლო ზარს და ა.შ. რაც შეეხება დღევანდელ სპექტაკლს, მინდა ვითხრა, რომ აქ მონაწილე ბავშვები ყველა ერთნაირად ნიჭიერია. თავიდან გვექონდა პრობლემები დისციპლინასთან დაკავშირებით, მაგრამ რეპეტიციიდან რეპეტიციამდე ბავშვები ისე იცვლებოდნენ და იზრდებოდნენ, რომ საბოლოოდ ძალიან დიდი მონდომება გამოიჩინეს, მართლა ბევრი იშრომეს. ბავშვებმა მოხუცების როლიც მშვენივრად მოიგეს და ბავშვების როლიც. ბუნებრივია, მათ როგორც მსახიობებს პროფესიული უკუხით ვერ შევფასებთ, მაგრამ იმდენად მონდომებულები არიან და იმდენად ნიჭიერები, რომ მართლაც კარგად გამოუვიდათ. რასაკვირველია, ეს სპექტაკლი არ იქნება ერთჯერადი, ალბათ, ერთად კიდევ ვიმუშავებთ. აუცილებლად მინდა აღვნიშნო ისიც, რომ საოცარი იმპროვიზაციის უნარი აქვთ და პატარა მომღერალ-მსახიობები ხშირად გვაოცებენ მუშაობის პროცესში.“

მუსიკალურმა სკოლამ ცოტა ხნის წინ მონაწილეობა მიიღო თბილისის მერიის მიერ ორგანიზებულ თეატრების ფესტივალში, სადაც ამ სპექტაკლიდან 15-წუთიანი მონაკვეთი წარმოადგინეს და მაყურებლისა და ჟიურის მონიშნება დაიმსახურეს.

სპექტაკლის შემდეგ პატარა მომღერლებმა თავიანთი შთაბეჭდილებებიც გაგვიზიარეს:

მანო ბალიაშვილი: „მე სპექტაკლს ვხსნი, პირველი გამოვიდევარ. მართალი ვითხრა ვნერვიულობდი, მაგრამ ყველა მაქებს, კარგი იყო და ამიტომ აღარ ვნერვიულობ. მეც ვფიქრობ, რომ კარგად გამომივიდა. ფერია ვარ, ეს ძალიან მიხარია. საერთოდ კი, ძალიან მიყვარს მუსიკალურ სკოლაში სიარული. მომწონს ჩემი მასწავლებლები, რეჟისორიც ძალიან მიყვარს. სპექტაკლის ფინალიც მომწონს, მოხუცებიც ჩვენთან ერთად თამაშობენ და ერთობიან.“

ნინო საყვარელიძე: „მე მოხუცის როლი ვთამაშობ, ძალიან მომწონს, მერე ბავშვის როლის თამაშიც მიწევს, მოხუცები ხომ შემდეგ ბავშვებად გადავიქცევით, მაგრამ მაინც მოხუცის როლი უფრო მომწონს. საერთოდ არ გამიჭირდა თამაში, ცხოვრებაშიც მიყვარს მოხუცები და, ალბათ, ამიტომ. დღევანდელი დღით კმაყოფილი ვარ. სპექტაკლის ბოლოს მაყურებლის ოვაცია ძალიან სასიამოვნოა, ეს იმას ნიშნავს, რომ ჩვენ მოვეწონეთ.“

მარიამ ცინცაძე: „მე ბავშვის როლი ვთამაშებ. შევასრულე ორი სიმღერა – „გაბაფხულის ზღაპარი“ და „ჯადოსნური გზები“. სულ არ ვნერვიულობდი იმიტომ, რომ სცენაზე პირველად არ გამოვდიოდი. მუსიკალური სკოლა ძალიან მიყვარს. მიყვარს ჩემი რუსუდან მასწავლებელი. ძალიან მიხაროდა რეპეტიციებზე სიარული. სალომე და ზაზა მასწავლებლებმა ბევრი რამ გვასწავლეს. ძალიან კმაყოფილი ვარ დღევანდელი დღით.“

სოფო ლანჩავა: „მე ბავშვს ვთამაშობ. საერთოდ მსახიობობა ძალიან მომწონს, ჩემი ოცნებაა ცნობილი მსახიობი გავხდე. არ ვიცი, რა გამოვივა.“

საბა ცინცაძე: „სპექტაკლში ბრანთან ბაბუს ვთამაშობ. ბრაზიანი იმიტომ არის, რომ მას ბავშვები იმ სკამს ეცილებიან, რომელზეც სხვა მოხუცებთან ერთად ზის ხოლმე ეზოში და საუბრობს. ეს როლი მართლა ძალიან მომწონს, განსაკუთრებით ის მომეწონა, როცა მოხუცები ბავშვთა ქვეყანაში გადავიდვართ, ანუ ჩვენც ბავშვებად გადავიქცევით. სპექტაკლში ჩემი და – მაკაც მოხუცს თამაშობს. საერთოდ, მუსიკალურ სასწავლებელში 5 წელია დავდივარ და მართლა ძალიან მომწონს. კარგი პედაგოგები გვყავს.“

ანი ვასაძე: „სპექტაკლში ორი სიმღერა შევასრულე, ერთს ერქვა „მომღერალი პატარა“ და მეორეს – „ენძელა“. ორივე სიმღერა ძალიან მომწონს. საერთოდ, ძალიან მიყვარს სიმღერა, დიდი სურვილი მაქვს, თუ კარგი ხმა მექნება, მომღერალი გავხდე, ჯერ შვიდი წლის ვარ, ვნახოთ. ჩემი მუსიკალური სასწავლებელი მართლა ძალიან მომწონს, ფორტეპიანოს ხათუნა მასწავლებელი მასწავლის, ძალიან მიყვარს. სპექტაკლზე კი ყველაზე მეტი სიმღერის მასწავლებელმა, რუსიკო მასწავლებელმა იშრომა, ვფიქრობ, რომ დაუფასავთ.“



ეს მათთვის აღიარების, წარმატებისა და მომავალი გამარჯვების გზა... დაინერება თუ არა მათი მომავალი წარმატებების შესახებ ეს მხოლოდ და მხოლოდ ამ ბავშვების ნიჭიერებასა და მონდომებაზეა დამოკიდებული. მიუხედავად ქვეყნისა „ბავშვობის ქვეყანაში“ კი კიდევ ერთხელ შეგვახსენა ეგზიპტის უკვდავი სიტყვები: ჩვენ ყველანი ბავშვობიდან მოვდივართ.

ლალი ჯეღაძე



ინფორმაცია



საქართველოს განათლებისა და მეცნიერების მინისტრმა დიმიტრი შაშკინმა პროფესიულ კოლეჯში „იკაროსი“ სწავლების ახალი ცენტრი გახსნა. ცენტრში მსურველებს შეუძლიათ დაეუფლონ ლიფტების ელექტრომექანიკოსის პროფესიას. ბაზარზე აღნიშნულ პროფესიაზე საკმაოდ დიდი მოთხოვნაა, რაც თავისთავად დასაქმების რეალურ შანსს იძლევა.

თბილისში, საცხოვრებელ სახლებში 10 000-მდე ლიფტია განთავსებული, ქუთაისში - 1000, აჭარაში - 1500, ზუგდიდში, ფოთში, კახეთისა და ქართლის რეგიონებში - 1000; საქართველოში, სხვადასხვა საცხოვრებელ თუ არასაცხოვრებელ ობიექტებში, სულ 15 000-მდე ლიფტია დამონტაჟებული. აგრეთვე, ქვეყნის მასშტაბით, განთავსებულია ატრაქციონები და ესკალატორები. აღნიშნული ლიფტები, ატრაქციონები თუ ესკალატორები შეკეთება-მომსახურებას საჭიროებს.

სახელმწიფო პროგრამით დედაქალაქში არსებული ლიფტების აღდგენითი სამუშაოები მიმდინარეობს. ამასთან, მზარდია მოთხოვნა ახალი ლიფტების, ატრაქციონებისა და ესკალატორების აწყობა-დამონტაჟებაზე. პირებს, რომლებიც ამჟამად სხვადასხვა კომპანიაში ეწევიან შეკეთება-მომსახურებით საქმიანობას, არ გააჩნიათ თეორიული ცოდნა.

აღნიშნულიდან გამომდინარე, კოლეჯში, საერთაშორისო ექსპერტებთან და სპეციალისტებთან ერთობლივად, შეიქმნა ლიფტების ელექტრომექანიკოსის სტანდარტი და პროგრამა. პროგრამის კურსს წაიყვანენ ამ დარგის გამოცდილი და წამყვანი სპეციალისტები, რომლებიც მოამზადებენ პროფესიონალ კადრებს, რაც მოსახლეობის უსაფრთხოების გარანტიაა.

პროფესიულ კოლეჯში „იკაროსი“ 277 პროფესიული სტუდენტი ტურიზმისა და მომსახურების სფეროში სხვადასხვა პროფესიას ეუფლება. გარდამავალ ჯგუფებში სწავლობს 188 პროფესიული სტუდენტი, ხოლო ახალ პროგრამებზე - 89 სტუდენტი.

კოლეჯი ორიენტირებულია საქართველოში ტურიზმის ინდუსტრიის განვითარებაზე და დამსაქმებლის სურვილზე, რომელიც მაღალი კლასის სერვისს ითხოვს. კოლეჯის მიზანია მოამზადოს კვალიფიციური კადრი ტურიზმისა და სერვისის ყველა იმ სფეროსათვის, რომელზეც მაღალი მოთხოვნაა. „იკაროსში“ სპეციალისტების გადამზადება ტურიზმის მიმართულებით შემდეგ სპეციალობებზე მიმდინარეობს: მზარეული; ბარმენი; ოფიცინანტი; სასტუმროს მიღება-განთავსებისა და დაჯავშნის სპეციალისტი; კულინარიული ხელოვნების სპეციალისტი; სარესტორნო საქმის სპეციალისტი; სასტუმრო საქმის სპეციალისტი.

ცენტრი აღჭურვილია უახლესი და თანამედროვე მატერიალურ-ტექნიკური ბაზით. კულინარიულ ხელოვნებას სტუდენტებს, სხვა მიწვეულ სპეციალისტებთან ერთად, ასწავლის ცნობილი კულინარი მანუელი (მანუელ ფაუნდეს ბარანდა). ცენტრში ყველა პროფესიებში პრაქტიკული მეცადინეობებისთვის საჭირო კლასები და სახელოსნოებია (სამზარეულო, საკონდიტრო, სერვირების სასწავლო კლასი, ბარი).



საქართველოს განათლებისა და მეცნიერების მინისტრის მოადგილემ ირინე ქურდაძემ ინკლუზიური სწავლების ათი წარმატებული და გამორჩეული პედაგოგი დააჯილდოვა.

დაჯილდოებული პედაგოგები წლების განმავლობაში ეფექტურად მუშაობდნენ სპეციალური საგანმანათლებლო საჭიროების მქონე მოსწავლეებთან, გამოირჩევიან ადეკვა-

ტური დამოკიდებულებით მათ მიმართ, კარგად ფლობენ ინდივიდუალური სასწავლო გეგმით მუშაობის ტექნიკას, წარმატებულად თანამშრომლობენ მშობლებთან და მაქსიმალურად უწყობენ ხელს მოსწავლეების ინტეგრაციას სასწავლო პროცესში.

მასწავლებელთა შერჩევა მოხდა საქართველოს განათლებისა და მეცნიერების სამინისტროს მულტიდისციპლინარული გუნდის მიერ შექმნილი კრიტერიუმების მიხედვით, რომელზე დაყრდნობითაც, 2 თვის განმავლობაში, სკოლებში მასწავლებლების იდენტიფიცირება მიმდინარეობდა.

პედაგოგებს 500, 400 და 300-ლარიანი ელექტროსაქონლის სასაჩუქრე ვაუჩერები გადაეცათ.

ინკლუზიური განათლების დანერგვა საქართველოს განათლებისა და მეცნიერების სამინისტროს ერთ-ერთ მნიშვნელოვან პრიორიტეტს წარმოადგენს. ინკლუზიური განათლების დანერგვა, საქართველოს მასშტაბით, ასზე მეტ სკოლაში მიმდინარეობს. სამინისტრო ხელს უწყობს სკოლებს, მოახდინონ გარემოს ადაპტირება სპეციალური საგანმანათლებლო საჭიროების მქონე მოსწავლეებისთვის. ერთ-ერთი მნიშვნელოვანი საკითხია, ასევე, სკოლაში პედაგოგების რესურსის გაძლიერება, რათა მათ შეძლონ ხარისხიანი განათლების მიწოდება სპეციალური საგანმანათლებლო საჭიროების მქონე მოსწავლეებისთვის. მასწავლებელთა პროფესიული განვითარებისათვის ინკლუზიური განათლების საკითხებზე განათლებისა და მეცნიერების სამინისტრო, ყოველწლიურად, 100.000 ლარზე მეტს ხარჯავს.

განათლებისა და მეცნიერების სამინისტრომ ინკლუზიური განათლების დანერგვა, 2005 წლიდან, თბილისის 10 საპილოტე სკოლაში დაიწყო. 7 წლის განმავლობაში აღნიშნულ სკოლებში პედაგოგებს სპეციალური საგანმანათლებლო საჭიროების მქონე მოსწავლეებთან მუშაობის გამოცდილება დაუგროვდათ, ზოგიერთმა მათგანმა მნიშვნელოვან შედეგებს მიაღწია მოსწავლეების საგაკვეთილო პროცესში ჩართვასთან დაკავშირებით. გარდა ამისა, გაიზარდა ინკლუზიური განათლების მასშტაბებიც. ამჟამად, თბილისში, 60-მდე ინკლუზიური სკოლაა, სადაც მასწავლებლები ინკლუზიური განათლების ეფექტურად წარმართვაში მნიშვნელოვან როლს თამაშობენ.



საქართველოს განათლებისა და მეცნიერების მინისტრის პირველმა მოადგილემ კოკა სეფერთელაძემ ივანე ჯავახიშვილის სახელობის თბილისის სახელმწიფო უნივერსიტეტში ბაკალავრიატისა და მაგისტრატურის დამამთავრებელი სემესტრის სტუდენტებთან საინფორმაციო შეხვედრა გამართა. მინისტრის პირველმა მოადგილემ მათ შეხვედრისას სახელმწიფო პროგრამა - „ქართული ენა მომავალი წარმატებისთვის“, რომელიც გულისხმობს ქვემო ქართლის, სამცხე-ჯავახეთისა და კახეთის რეგიონების არაქართულენოვან სკოლებში ქართული ენის ცოდნის დონის გაუმჯობესების მიზნით, ადგილობრივ მასწავლებლებთან ერთად, სასკოლო საგნების ქართულ ენაზე სწავლებას.

პროგრამის ბაკალავრ მონაწილეებს საქართველოს განათლებისა და მეცნიერების სამინისტრო მაგისტრატურაში სწავლის სრულად დაფინანსებას და ყოველთვიურ ხელფასს სთავაზობს.

პროგრამის მონაწილეები არაქართულენოვან სკოლებში ადგილობრივ მასწავლებლებს საგაკვეთილო პროცესის ბილარგურად წარმართვისას ან ქართული ენის გაკვეთის ჩატარებისას დაეხმარებიან. სკოლებში ერთი აკადემიური წელი დარჩებიან. პროგრამის მონაწილეები, სასწავლო წლის დაწყებამდე, სპეციალურ ერთკვირიან ინტენსიურ მომზადებას გაივლიან, შეისწავლიან როგორც პედაგოგიკის ელემენტარულ უნარ-ჩვევებს, ისე წყვილში მუშაობის და ბილინგვური გაკვეთილის წარმართვის ტექნიკას.

სახელმწიფო დაცვის სპეციალური სამსახურის 317-მა წევრმა საზეიმო ვითარებაში სამხედრო და სახელმწიფო დაცვის სპეციალური სამსახურის მოსამსახურის ფიცი დადო. საგზაფხულო წვევამდელებს შორის საგურამოს, თბილისისა და ბათუმის ბავშვთა სახლებიდან შერჩეული რამდენიმე ბენეფიციარი იყო, ვინც 18 წელს მიაღწია და სურვილი გამოთქვა იმსახუროს სახელმწიფო დაცვის სპეციალური სამსახურის ერთწლიან საკონტრაქტო სამსახურში.

ფიცის დადების საზეიმო ცერემონია საქართველოს განათლებისა და მეცნიერების მინისტრი დიმიტრი შაშკინი, შრომის, ჯანმრთელობისა და სოციალური დაცვის სამინისტ-



როს სახელმწიფო ზრუნვის სააგენტოს ხელმძღვანელი თამარ მახარაშვილი და ზემოაღნიშნული ბავშვთა სახლების დირექტორები დაესწრნენ.

16 წელია, სახელმწიფო დაცვის სპეციალური სამსახური ახორციელებს წვევამდელთა განვლვას. წელს კი, პირველად სამსახურის ისტორიაში, განათლებისა და მეცნიერების სამინისტროს, შრომის, ჯანმრთელობისა და სოციალური დაცვის სამინისტროს სახელმწიფო ზრუნვის სააგენტოს ურთიერთთანამშრომლობისა და ერთობლივი ძალისხმევის შედეგად, დაიწყო ბენეფიციართა მიღება ერთწლიან საკონტრაქტო სამსახურში.

აღნიშნული ინიციატივა, რომელიც მომავალშიც გაგრძელდება, მზრუნველობამოკლებული ახალგაზრდების საზოგადოებაში ინტეგრაციის პროცესის ხელშეწყობას ემსახურება. ბენეფიციარებს, საკონტრაქტო სამსახურის გავლის პერიოდში, სახელმწიფო დაცვის სპეციალური სამსახური უზრუნველყოფს საცხოვრებელი, საკვებით, ხელფასით, პერიოდული პრემიებით, სიცოცხლისა და ჯანმრთელობის დაზღვევითა და სეზონური უნიფორმებით.

საგანმანათლებლო პროგრამის - „ასწავლე და ისწავლე საქართველოსთან ერთად“ ფარგლებში, ინგლისურენოვან მოხალისე მასწავლებელთა ჩამოსვლა გრძელდება. ამჯერად, მორიგი ჯგუფი ამერიკიდან, ირლანდიიდან, კანადიდან, ახალი ზელანდიიდან და სამხრეთ აფრიკიდან ჩამოვიდა.

ინგლისურენოვანი პედაგოგები ტრენინგს გაივლიან და ახალი სასწავლო წლიდან აჭარის, იმერეთის, რაჭისა და კახეთის რეგიონების საჯარო სკოლებში გადანიშნავენ. სექტემბერში, მოსამზადებელი პერიოდის შემდეგ, მოხალისე პედაგოგები, ადგილობრივ მასწავლებლებთან ერთად, სასწავლო პროცესში ჩაერთვებიან.

„ასწავლე და ისწავლე საქართველოსთან ერთად“ პროექტის ფარგლებში, ინგლისურენოვან პედაგოგთა ჩამოსვლისა და საჯარო სკოლების მოხალისე მასწავლებლებით შევსების პროცესი მომავალშიც გაგრძელდება.

საქართველოს განათლებისა და მეცნიერების მინისტრის მოადგილე ირინე ქურდაძე, გარემოს დაცვის მინისტრი გოგა ხაჩიძე და საქართველოში გაეროს ელჩის მოადგილე ინიტა პაულუვიჩა, გარემოს დაცვის დღისადმი მიძღვნილი კვირეულის ფარგლებში, თბილისის კლასიკურ გიმნაზიას ეწვივნენ, სადაც „მწვანე სკოლების“ კონკურსის პრეზენტაცია გაიმართა და სკოლას საჩუქრად „მწვანე ყუთი“ გადაეცა.

გარემოს დაცვის სამინისტროს ინიციატივით ხორციელდება პროექტი - „შეაგროვო მაკულატურა, გადაარჩინო ტყე!“, რომელმაც მოსახლეობაში დიდი ინტერესი გამოიწვია. მიმდინარე წელს გარემოს დაცვის სამინისტროს მთავარი დევიზია - „ბუნება თქვენს სამსახურში“.



პროექტის ფარგლებში, საქართველოს გარემოს დაცვის სამინისტრომ, საქართველოს განათლებისა და მეცნიერების სამინისტროს მხარდაჭერით, გამოაცხადა კონკურსი - „მწვანე სკოლები“.

კონკურსი მიზნად ისახავს საჯარო სკოლებში, მაკულატურის შეგროვების მიზნით, „მწვანე ყუთების“ განთავსებას, ასევე სხვადასხვა კრიტერიუმების მიხედვით, 1 წლის შემდეგ, გარემოს დაცვის მსოფლიო დღეს ყველაზე „მწვანე სკოლის“ გამოვლენას.

მაკულატურის შეგროვების შემდეგ ქალაქის გადამუშავება და მეორადი გამოყენება მოხდება. „მწვანე ყუთის“ მიზანია, მოსახლეობაში მაკულატურის შეგროვება-გადამუშავების კულტურის დამკვიდრება და ქალაქის პარკების გამოყენების პოპულარიზაცია.

განათლებისა და მეცნიერების სამინისტროს პრესცენტრი

ელოენე ახვლედიანი

თეატრალური ესკიზები

9-12 ივნისს, **ბაია ბალერაში**, ელენე ახვლედიანის თეატრალური ესკიზები გამოიფინა. ექსპოზიცია კულტურის სამინისტროსა და ნოდარ დუმბაძის სახელობის სახელმწიფო ცენტრალური საბავშვო თეატრის ორგანიზებით მომზადდა. საექსპოზიციოდ შერჩეული ნამუშევრები თეატრში ინახებოდა და არასოდეს გამოფენილა, ბაია ბალერაში ელენე ახვლედიანის შემოქმედების მოყვარულებს პირველად მიეცათ ამ ესკიზების დათვალიერების შესაძლებლობა.

„ბიბია თომას ქოხი“ (რეჟისორი – მ. ვახნიანსკი, 1929 წ.) და „ზანგი ბიჭუნა და მაიმუნი“ (რეჟისორი – ნ. მარშაკი, 1929 წ.) – ამ ორი სპექტაკლისთვის ელენე ახვლედიანმა 17 ესკიზი 1929-30 წლებში შექმნა. საფრანგეთიდან დაბრუნებული მხატვარი აქტიურად თანამშრომლობდა კოტე მარჯანიშვილის თეატრთან, ამავდროულად, მოზარდ მაყურებელთა (რუსული) თეატრის სპექტაკლებისთვის ქმნიდა ესკიზებს. მის შემოქმედებაში თეატრალურ მხატვრობას მნიშვნელოვანი ადგილი ეჭირა.


მიშა ანთაძე, თბილისის ნოდარ დუმბაძის სახელობის სახელმწიფო ცენტრალური საბავშვო თეატრის მმართველი: „ელენე ახვლედიანს მაშინდელი რუსული მოზარდ მაყურებელთა თეატრისათვის გაფორმებული აქვს ორი სპექტაკლი – „ბიბია თომას ქოხი“ და „ზანგი ბიჭუნა და მაიმუნი“. იმ პერიოდში ის მარჯანიშვილის თეატრის მთავარი მხატვარი იყო, მაგრამ, ახალგაზრდული ენერჯითი სავსემ, მოზარდ მაყურებელთა თეატრის სპექტაკლებზე გააფორმა.

ესკიზები ჩვენი თეატრის საცავებში ინახებოდა. მოგეხსენებათ, ნოდარ დუმბაძის სახელობის თეატრმა მოზარდ მაყურებელთა ქართული და რუსული თეატრები გააერთიანა. ჩვენი თეატრი ყველა სპექტაკლის ესკიზებს ინახავს. ისევე, როგორც ყველა სხვა, ელენე ახვლედიანის მიერ შესრულებული ესკიზებიც სათანადო საქალაქო დეპოში ინახებოდა. გადავწყვიტეთ, გამოგვექვეყნებინა უფროსი „მოზარტში“. შემდეგ კი დაიბადა იდეა – არა მარტო გამოვაქვეყნოთ, არამედ გამოვიფინოთ, იმდენად მაღალი ხარისხის მაღალპროფესიული ნამუშევრებია. ეს ხომ ელენე ახვლედიანია, უდიდესი მხატვარი.

შევუთანხმდით კულტურის სამინისტროს და ბაია ბალერას. როგორც ხედავთ, მივიღეთ ძალიან საინტერესო პატარა გამოფენა, რომელიც აუცილებლად გამოიწვევს საზოგადოების ინტერესს.

თებერვალში ჩვენი თეატრის არქივში დაცული ლადო გუდიაშვილის საზოგადოებისთვის უცნობი დიდი ტილო „ზეიმი მდინარის პირას“ გადავიციტეთ საქართველოს თეატრისა და კინოს მუზეუმს. ეს არ იყო თეატრალური ესკიზი, არამედ – ფერწერული ნამუშევარი, ამიტომ ჩავთვალეთ, რომ სჯობდა ამ სურათს მუზეუმის მუდმივმოქმედ ექსპოზიციაში დაედო ბინა.

რამდენადაც ჩემთვის ცნობილია, მოზარდ მაყურებელთა რუსულ თეატრში არაერთი ცნობილი მხატვარი მუშაობდა. ნელ-ნელა, ვეცდებით, ყველა ესკიზი გამოვაქვეყნოთ ჩვენს უფროსალში და, თუ იმსახურებენ, გამოვიფინოთ.



ბაია ნიქორიძე, ბაია ბალერა-ის მფლობელი: „ნოდარ დუმბაძის სახელობის სახელმწიფო ცენტრალური საბავშვო თეატრისა და კულტურის სამინისტროს ინიციატივით, ჩვენს გალერეაში ელენე ახვლედიანის 1929-30 წლებში შესრულებული ესკიზების გამოფენა გაიმართა. ეს ნამუშევრები აქამდე არც არსად დაბეჭდილა და არც გამოფენილა. ჩვენთვის ეს გამოფენა სწორედ იმით იყო საინტერესო, რომ აქამდე უცნობ ნამუშევრებზე იყო საუბარი. ჩვენი გალერეა, წლების განმავლობაში, მუშაობს ელენე ახვლედიანის ნამუშევრების აღმოჩენაზე.“

დავით ცხადაძე, კულტურისა და ძეგლთა დაცვის მინისტრის მოადგილე: „ჩვენ კიდევ ერთხელ მოგვეცა ელენე ახვლედიანის მაღალმხატვრულ ნამუშევრებთან შეხვედრის შანსი. ძალიან საინტერესო და მაღალპროფესიულ დონეზე შესრულებული ესკიზებია. ეს გამოფენა კიდევ ერთხელ გვიჩვენებს ქართული მხატვრობის, კერძოდ კი – თეატრალური მხატვრობის მრავალფეროვნებას. ყველას ვურჩევ, აუცილებლად ნახოს ეს გამოფენა.“
საგამოფენოდ ბაია ბალერაში შერჩევა შემთხვევითი არ ყოფილა. უკვე დიდი ხანია, ეს გალერეა ელენე ახვლედიანის უცნობი ნამუშევ-

რების ძიებითაა დაკავებული. ხელოვნების მოყვარულებს ახსოვთ „კულტურული მემკვიდრეობის დაცვის სახელმწიფო პროგრამის“ ფარგლებში განხორციელებული პროექტი, რომლის ფარგლებშიც საინტერესო გამოფენა მოეწყო და მომზადდა ალბომი. მაშინ სწორედ ბაია გალერეის მიერ კერძო კოლექციებში მიგნებული უცნობი ნამუშევრები გამოიფინა და შევიდა ალბომში, რომელიც საქართველოს კულტურული მემკვიდრეობის დაცვის ეროვნულ სააგენტოსთან თანამშრომლობით მომზადდა.

„მის სამყაროს მისი პერსონალური ანაბეჭდი ახლავს. – ნერსე შესავალ ნერილი პროექტის ხელმძღვანელი და კატალოგის მთავარი რედაქტორი ბაია ნიქორიძე, – ის აზროვნებს ხატვით და განიცდის ხატვით, უყვარს ხატვით. თბილისი და საქართველო მის თვალწინაა და მისი თბილისი და საქართველო ჩვენს თვალწინ. გვაცნობს, გვაყვარებს. ისე იცნობს, როგორც საკუთარ თავს, საკუთარ სხეულს. თბილისის საზრდოობს, არა მხოლოდ მხატვრობით გარდაქმნის და აელვარებს, დღესასწაულებს აწყობს: კონცერტებს, გამოფენებს, შეხვედრებს, მხატვრების ჯგუფთან ერთად პლენერებს, მხატვრის კვირეულებს. როგორც სიცოცხლეში დაატარებდა უცხოეთიდან ჩამოსულ მეგობრებსა თუ მისთვის უცნობ ადამიანებს, მხატვრების ჯგუფებს, მთელ საქართველოში და ისინიც, საქართველოს ელიჩკას თვალთ ხედავდნენ, ასე დაგვატარებს ახლაც მისი სურათები იმ ადგილებში, სადაც ოდესმე უხატია და ყოველთვის გიჩნდება თანამონაწილეობის განცდა, იქ მყოფობის შეგრძნება, სურათის და ელენე ახვლედიანის სამყაროს საზღვრებში კვლავ მოხვედრის სურვილი. კარგია, თუ ეს ნივნი ამ სურვილს ნაწილობრივ შეავსებს.“

მაღალპროფესიულ დონეზე მომზადებულმა პუბლიკაციამ ხელოვნების მოყვარულებს ნამდვილად აუსრულა ეს სურვილი. ბაია ბალერაში უკვე ტრადიციად დამკვიდრდა როგორც ელენე ახვლედიანის, ასევე სხვა ქართველი კლასიკოსი მხატვრების უცნობი შედევრების გამოფენები.

ლალი თვალაგაიშვილი



ნაწარმო

აკაკი წერეთლის ერთი პერსონაჟის შექსპირული წარმომავლობა



ქართულ ლიტერატურაში შექსპირული თემების, მოტივების, მეტაფორებისა თუ სხვა მხატვრული სახეების რეცეფციის, ანუ მიღება-ათვისების საკითხი, შეუსწავლელია. გივი გაჩეჩილაძის ისეთი დაკვირვებაც კი, როგორცაა – „შექსპირის მრავალი მონოლოგის მასალა და განწყობილება ბედნიერად დაემთხვა ნიკოლოზ ბარათაშვილის პოეტურ ტრადიციას“ – არ გამხდარა საგანგებო კვლევის საგანი. ჯერ კიდევ ნაკლებად ვიცით, რა მილიონ ჩვენმა მწერლობამ შექსპირის სამყაროსაგან, თუმცა თავისთავად ეჭვს გარეშეა, რომ მის დრამატურგას შეუძლებელია, რაიმე გამოძახილი არ ეპოვა ჩვენს მწერლობაში. რომ არაფერი ვთქვათ იმაზე, რაოდენ მნიშვნელოვანი ადგილი ეკავა „ჰამლეტის“ ავტორის პიესებს ქართული სცენის რეპერტუარში, რაოდენ დიდი ყურადღება მიიპყრეს „მეფე ლირისა“ და შემდგომ ივანე მაჩაბლის თარგმანებმა, უდავოა ისიც, რომ ილია ჭავჭავაძის, აკაკი წერეთლის, ალექსანდრე ყაზბეგის პერიოდის მწერალთა ცნობიერებაში შექსპირი მუდმივი სულიერი თუ მხატვრული თანამგზავის მნიშვნელობას იძენს.

გავიხსენოთ ტაეპები ვახტანგ ორბელიანის ლექსიდან „ძველ მეგობარს“ (1883):

მოდი, აქ მიძევს თვალთ წინა რუსთველის დიდი ქმნილება იმის ფურჩხინის ლექსებით სული და გული დავიჭიბოთ გეტე, შექსპირი, შილერი კვლავ ერთად გადავიკითხოთ.

ქართულ ლიტერატურაში შექსპირის სამყაროს თავისებურ ანარეკლს წარმოადგენს აკაკი წერეთლის შემოქმედების ერთი საინტერესო მომენტი, კერძოდ, – მასხარას სახე ცალკეულ ნაწარმოებებში.

როგორც ცნობილია, სახალხო სანახაობათა და მირაკლების, კომედიურ ინტერმედიათა პერსონაჟი – მასხარა (ხუმარა) მტკიცედ დამკვიდრდა XVI-XVII საუკუნეების ევროპულ დრამატურგიაშიც. განსაკუთრებით დიდია მასხარას ფუნქცია შექსპირისა და კალდერონის პიესებში. XIX საუკუნის დრამატურგისათვის მასხარას სახე არაა დამახასიათებელი და მით უფრო საყურადღებოა, რომ ეს პერსონაჟი გვხვდება აკაკი წერეთლის ისტორიულ პოემაში „თორნიკე ერისთავი“ (1884) და ისტორიულ დრამატიულ პიესაში „თამარ-ცბიერი“ (1885).

მიგვაჩნია, რომ მასხარას სახე აკაკის ნაწარმოებებში შექსპირის შემოქმედებით არის შთაგონებული. როგორც ცნობილია, ამ დროისათვის „მეფე ლირი“ ქართულად უკვე თარგმნილი იყო. ჯერ კიდევ 1860-იან წლებში თბილისში დაიდგა ცოცხალი სურათები ამ ტრაგედიიდან. 1879 წელს ილია ჭავჭავაძის თაოსნობით დაიწყო მუშაობა ამ ტრაგედიის სცენური ხორცშესხმისათვის. მრავალი რეპეტიციის შემდეგ პირველი სპექტაკლი გაიმართა თბილისში 1880 წელს, ხოლო მოგვიანებით – ქუთაისსა და ბათუმშიც. სპექტაკლი დიდხანს

შერჩა ქართულ რეპერტუარს. ლირის როლს კოტე ყიფიანი ასრულებდა და დადგმას დიდი წარმატება ხვდა.

აკაკი წერეთელი, რომელიც მჭიდროდ იყო დაკავშირებული ქართულ თეატრთან, ბუნებრივია, კარგად იცნობდა ამ დადგმას, რომელიც უთუოდ ერთ-ერთი სტიმული იყო იმისა, რომ მის ნაწარმოებებში დამკვიდრდა მასხარას სახე. ამ პერსონაჟის დამკვიდრებას უთუოდ ხელს უწყობდა ის გარემოებაც, რომ მასხარა უკიდურესად კომედიური პერსონაჟია და დიდ სიახლოვეს ამჟღავნებს ფოლკლორულ ჟანრებთან (ბერიკაობა და სხვ.), ანუ ისეთი სანყისებთან, რაც მეტად დამახასიათებელია აკაკის შემოქმედებისათვის. აქვე გასათვალისწინებელია ისიც, რომ აკაკი წერეთელი შეუძლებელია გულგრილი დარჩენილიყო „მეფე ლირის“ ივანე მაჩაბლისა და ილია ჭავჭავაძის თარგმანისადმი, რომელშიც მასხარას ტექსტი დიდი ოსტატობით არის გადმოტანილი.

„მეფე ლირის“ თარგმანში სინონიმურად არის ნახმარი სიტყვები „ხუმარა“ და „მასხარა“, თუმცა პერსონაჟთა ჩამონათვალში გამოყენებულია „ხუმარა“.

„მეფე ლირში“ მასხარა თავის თავზე ამბობს: „მე მართალია მასხარა ვარ, მაგრამ ვინც ამ ჩემს თქმულს მართლად მასხრობაში ჩამომართმევს, აბა მითხარი მისა რა უნდა“.

წელს მასხარებს ლილახანა წაუხდათ, მასხარობას ბრძენნი გვეცილებიან.

ასევე სინონიმურად იყენებს „ხუმარასა“ და „მასხარას“ აკაკი წერეთელი. მართალია, „თამარ-ცბიერის“ პერსონაჟთა ჩამონათვალში ნახმარია „მასხარა“, მაგრამ ნაწარმოების ძირითად ტექსტში ამ სიტყვის სინონიმი – „ხუმარა“ – ც არის გამოყენებული. „თამარ-ცბიერში“ მასხარა თავის თავზე ამბობს: და ნაცვლად ყველა მედიდგულეობა, ხან დამცინიან, ხან მაგინებენ.

მწარე ლუკმა ხუმარას ლუკმა.

„თორნიკე ერისთავში“ ძირითადად „ხუმარას“ ვხვდებით: „ყველას მეფის ხუმარა სჯობს“, „სთქვი, ხუმარავ, თუ რას ნიშნავს ეგ შენი გამოცანა“, „ხუმარადაც ვარგებულხარ“, მაგრამ სიტყვის თამაშის (კალამბურის) სახით ამ ისტორიულ პოემაში „მასხარაც“ გვხვდება: „ფეხებამდე მასხარაო“.

როგორც ვიცით, შექსპირის პიესებში მასხარა მხოლოდ გარკვეულ სცენებში მონაწილეობს, ხოლო შემდეგ, ასე ვთქვათ, უგზო-უკვლოდ იკარგება. მაგალითად, „მეფე ლირის“ მეხუთე მოქმედებაში მასხარა აღარ ჩანს. შექსპირის ტრაგედიის მსგავსად, პოემაში „თორნიკე ერისთავი“ მასხარა მხოლოდ პირველი კარის დასაწყისში გვხვდება, ხოლო ხუთმოქმედებიდან დრამატულ პოემაში „თამარ-ცბიერი“ მეორე მოქმედება ხუმარას გარეშე მიმდინარეობს.

როგორც შექსპირის, ასევე აკაკი წერეთლის მასხარა აღტურვილია ამ პერსონაჟის კლასიკური ატრიბუტით – ჩაჩით. „უსათუოდ ჩემი ჩაჩი უნდა გეხუროს... ნეტავ ორი ქალი მყოლოდა და თანაც ორი ჩაჩი მქონოდა“ – ეუბნება ხუმარა კენტს („მეფე ლირი“, II, 3). „თავზე მხურავს ჩაჩი სულელ მასხარის“ – აცხადებს მასხარა პოემაში „თამარ-ცბიერი“ (III).

შექსპირისეული ხუმარები მიმართავენ სხვადასხვა კომედიურ ხერხებს, როგორცაა: ზმა, ანდაზები, ირონია, სარკაზმი და სხვ. „მეფე ლირში“ ხუმარა ხშირად აყალიბებს ბრძნულ სენტენციებს, რომლებიც ყოველთვის ფოლკლორულ იერს ატარებენ. ამ მხრივ „მეფე ლირისა“ და „თამარ-ცბიერის“ ხუმარები ძალიან ჰგვანან ერთმანეთს. შევადაროთ პარალელურად:

ბედი სწორედ უნამუსო ქალია, ღარიბი სხავს, მდიდრის ეშხით მთვრალია.
(„მეფე ლირი“)

ეს სოფელი სწორედ სავიყეთია: ყველა სჩემობს ჭკუას, გრძნობას, გონებას... ველარ ვარჩევთ მართალს და მოჩვენებულს.
(„თამარ-ცბიერი“)

ვინც სხვას მისცა თავისი საზრდო ქონება, ყველას ჩხირად თვალში გაეწონება.
(„მეფე ლირი“)

ვინც ქვეყანაში გამოიჩრევა, აითვალწუნებს უმრავლესობა.
(„თამარ-ცბიერი“)

შექსპირისეული მასხარას ტექსტი მუდამ ერთი და იმავე რიტმული საზომით როდი არის გამართული. ყველა სხვა პერსონაჟებისგან განსხვავებით, „მეფე ლირის“ ხუმარა ხან პროზას მიმართავს, ხან სხვადასხვა საზომით აგებულ ლექსს:

1. ჩიტსა გუგულის მზრდელსაო, გუგული თავს მოკნეტსაო.
2. ფლიდი ბრძენი ჭირში ვასულელდებაო, სულელი კი, მოჰკლა, არ გაფლიდდებაო.
3. რაც რომ იცი, სჯობს რომ იმას არ სთქმიდე. („მეფე ლირი“).

ასევე რიტმული მრავალფეროვნებით ხასიათდება „თამარ-ცბიერის“ მასხარას მეტყველება:

1. მალლით ცეცხლის წვიმა მოდის, დაბლა დგება სისხლის ღვარი.
2. კურდღელს რო ძალლი ჩამოურჩება, აღარვინ აჭმევს მაშინ იმ ძალსს პურს.
3. მე აქ ჩემს თავს ვამცირებ და ვამდაბლებ: თავზე მხურავს ჩაჩი სულელ მასხარის.

შექსპირის მასხარა, როგორც საერთოდ ამ დრამატულ პერსონაჟს მოეთხოვება, ხშირად მიმართავს სარკაზმსა და უხეშ, „ვულგარულ“ ხუმრობას. „შენი ვირები წავიდნენ ცხენების მოსაყვანად“ – ეუბნება მასხარა ლირს მისი ქალიშვილებისა და სიძეების შესახებ. ამ ტიპის ენამახვილობა არც აკაკის მასხარასთვის არის უცხო. გავიხსენოთ ის ორაზროვანი მნიშვნელობა, რომელსაც იძენს პოემაში „თორნიკე ერისთავი“ სიტყვა „სულელი“ მასხარას გამოხატვაში ორბელიანისთან:

ხუმარადაც ვარგებულხარ ვაჟკაცობით პირველიო, მაგრამ ვერ იქმ თორნიკობას, თუმც მის ადგილს სულელიო.

XIX საუკუნის მეორე ნახევარში ევროპული კლასიკური დრამატურგიიდან ქართული მწერლობის ყურადღების ცენტრში უპირველესად შექსპირის შემოქმედება იმყოფებოდა. ამავე დროს იმ პერიოდის როგორც ქართული, ასევე თანადროული რუსული დრამატურგიისათვის უცხო იყო ისეთი პერსონაჟი, როგორცაა მასხარა. ამგვარად, შექსპირის შემოქმედება, განსაკუთრებით – „მეფე ლირი“, წარმოადგენს თუ ერთადერთს არა, იმ ძირითად წყაროს, რომელიც შეიძლება სტიმული გამხდარიყო აკაკი წერეთლისათვის, რომ თავის შემოქმედებაში დამკვიდრებინა ისეთი პერსონაჟი, როგორცაა მასხარა.

ამგვარ ლიტერატურულ რეცეფციას ხელს უწყობდა ის გარემოება, რომ ხუმარა ერთობ ხელსაყრელი პერსონაჟია ანდაზების, ბრძნული გამოთქმების, ოხუნჯობისა და სარკაზმის გამოყენებისათვის, ანუ ყოველივე იმისათვის, რაც ეგზომ დამახასიათებელია აკაკი წერეთლის შემოქმედებისათვის. ის გარემოება, რომ ა. წერეთელი დაინტერესებული იყო შექსპირის შემოქმედებით, თავისებურად ვლინდება შემდეგ ფაქტში: 1890 წელს თბილისში გასტროლებზე ჩამოვიდა იმ დროის შექსპირის როლების ერთ-ერთი საუკეთესო შემსრულებელი იტალიელი ტრაგიკოსი მსახიობი ერნესტო როსი (1827-1896) (უჩვენეს ტრაგედიები: „მეფე ლირი“, „ოტელიო“, „ჰამლეტი“, „მაკბეტი“, „ვენეციელი ვაჭარი“, „რომეო და ჯულიეტა“). ქართულმა საზოგადოებამ მას დიდი ბანკეტი გაუმართა, რომელზეც ქართულად სიტყვით მიმართა აკაკი წერეთელმა: „შენ შენი ნიჭიერებით გვაგრძნობინე შექსპირის ძლიერება...“ აკაკიმ როსის ექსპრომტიც უძღვნა:

ოცნებით ვკითხე შექსპირის აჩრდილს: შენ ხარ მთავარი, მოსანთ უფროსი, მაგრამ ვერ მიგწვდი შენს მალალ აზრებს, და ვინ აგვიხსნის? – ერნესტო როსი!..

თამარ ნუცუბიძე

ინფორმაცია

საქართველოს განათლებისა და მეცნიერების მინისტრმა დიმიტრი შაშკინმა გურამ თავართქილაძის სასწავლო უნივერსიტეტში ბიბლიოთეკის ახალი კორპუსი, კრიმინალისტიკისა და ტელე-რადიო ლაბორატორიები გახსნა.

ბიბლიოთეკის თანამედროვე მოთხოვნების შესაბამისი სამკითხველო თუ საკონფერენციო დარბაზები უახლესი ტექნოლოგიებითაა აღჭურვილი. ახალი ბიბლიოთეკის მდიდარი წიგნადი ფონდი, ანბანური ელექტრონული და სისტემატური კატალოგები სტუდენტებს კომფორტული და შეუფერხებელი მუშაობის საშუალებას სთავაზობს.

სამართლის ფაკულტეტზე გახსნილ კრიმინალისტიკურ ლაბორატორიაში სტუდენტები კრიმინალისტიკური ტექნიკის, საგამომიებო ტექნიკისა და ცალკეული სახის დანაშაულთა გამოძიების ისეთ უმნიშვნელოვანეს საკითხებს დაეუფლებიან, როგორცაა კვალთა და სხვა მტკიცებულებათა გამოვლენა, ფიქსირება და გამოკვლევა.

მომავალ ჟურნალისტებს კი, პრაქტიკული მეცადინეობები ამიერიდან სტუდიაში ჩაუტარდებათ. ახლად გახსნილი სატელევიზიო-სამაუწყებლო ლაბორატორიის სტუდია-პავილიონი ნებისმიერი ფორმატის სატელევიზიო გადაცემების მომზადების, ჩანერისა და პირდაპირ ეთერში გასვლის საშუალებას იძლევა.

გურამ თავართქილაძის სასწავლო უნივერსიტეტის აკადემიური პერსონალი, კვალიფიციურ სპეციალისტებთან ერთად, თეორიული ცოდნის პარალელურად, სტუდენტთა უნარ-ჩვევების გამომუშავებასა და პრაქტიკული ცოდნის დაუფლებასაც ზრუნავს.

დიმიტრი შაშკინის განცხადებით, სამინისტრო ყოველთვის მიესალმება და მომავალშიც მხარს დაუჭერს სასწავლო დაწესებულებათა ინიციატივას – იზრუნონ არა მარტო სასწავლო პროგრამების სრულყოფაზე, არამედ შექმნან თანამედროვე და კომფორტული სასწავლო ინფრასტრუქტურა.



სპორტი

SPORTUNIVERSIADA

დასრულდა საუნივერსიტეტო სპორტის ორგანიზებითა და კომპანია „რომპეტროლის“ დაფინანსებით მიმდინარე „სტუდენტური უნივერსიადა რომპეტროლ-2011“.



სამაგიეროდ, თსუ-ელებმა გოგონებში იმარჯვეს და შედარებით იოლადაც – ფინალში საქართველოს უნივერსიტეტს 3:1 აჯობეს.

მეტრებით ჩამორჩა და მეორეზე გავიდა – 11 ვერცხლი და 14 ბრინჯაო, ჯამში კი 40 მედალი.

ბულთა დაჯილდოება გაიმართა, რომელსაც საქართველოს სპორტისა და ახალგაზრდულ საქმეთა სამინისტროს, აგრეთვე, კომპანია „რომპეტროლის“ ხელმძღვანელები ესწრებოდნენ.

ლიც აგვისტოში ჩინურ შენეში გასამართ მსოფლიო უნივერსიადზე იასპარეზებს.

მსაჯს დაარტყა. აღნიშნულ პერიოდში ის ვერც ერთ ოფიციალურ ტურნირში ვერ იასპარეზებს და ვერც ნაკრებთან ერთად ივარჯიშებს.

ამდენად, უნივერსიადა დასრულდა, გამარჯვება კი სტუ-მ მოიპოვა. მათ ყველაზე მეტი მედალიც დააგროვეს – 45 და ყველაზე მეტი ოქროც მოიპოვეს – 15. მათ ანგარიშზე 14 ვერცხლი და 16 ბრინჯაოა. 15 ოქრო დააგროვა ილიას უნივერსიტეტმა, მაგრამ სხვა პარა-

ნულ უნივერსიტეტში გამარჯვე-

ნი უნივერსიტეტო ნაკრები, რომე-

შოთა ხაბარელის სახელობის



ძიუდოში ოლიმპიურ ჩემპიონ შოთა ხაბარელს ამჯერად პატივი მშობლიურმა ქარელის რაიონმა მიაგო – იქაურ სასპორტო სკოლას მისი სახელი მიენიჭა, ამ უქმეზე კი, ოლიმპიური გამონევის ეგიდით, ოლიმპიური ჩემპიონის სახელობის ტურნირიც გაიმართა.

ტურნირში 1997-98 წლებში დაბადებული 200-მდე მოზარდი გამოდიოდა, რომელთათვისაც დიდი სტიმული იყო დარბაზში მყოფი ისეთი დიდი სპორტსმენების ხილვა, როგორებიც არიან: ოლიმპიური ჩემპიონები ძიუდოში შოთა ხაბარელი და ზურაბ ზვიადაური, ძალოსნობაში – გიორგი ასანიძე და სამგზის ოლიმპიური ჩემპიონი კახი კახიაშვილი.

შეჯიბრებაში, წონითი კატეგორიების მიხედვით, გაიმარჯვეს: გორელმა რობინზონ ბეგლარიშვილმა (38), ქარელელმა გიორგი დოღანაძემ (42), კასპელმა დავით გეჯაძემ (46), გურჯაანელმა ალუდა ჩეკურიშვილმა (50), გორელმა ირაკლი გოგატიშვილმა (55), თბილისელმა ბესო მუმლაძემ (60), გიორგი ყალბაგაშვილმა (66) და გიორგი ქანთარია (+66).

სკოლების ჩემპიონატი კალათბურთში

საქართველოს სპორტისა და ახალგაზრდობის საქმეთა სამინისტრომ, ცხოვრების ჯანსაღი წესის დამკვიდრებისა და ახალგაზრდობის სპორტში მასობრივად ჩაბმის მიზნით, მორიგი ნოვატია ნაშრონო – დედაქალაქის მასშტაბით, საჯარო სკოლებს შორის, პირველობებს ატარებს სპორტის 8 სახეობაში.

რომელმაც ფინალში გლდან-ნაძალადევის ნაკრები 18:8 დაამარცხა. ბრინჯაოს მედალი მთაწმინდა-კრწანისის რაიონის გუნდმა ირგუნა.

მედალისტები სპორტის მინისტრმა ვლადიმერ ვარძელაშვილმა, საქართველოს კალათბურთის ფედერაციის პრეზიდენტმა ბესიკ ლიბარტელიანმა და ეროვნული ნაკრების კანდიდატმა თორნიკე შენგელიამ დააჯილდოვეს. მათ იმედი გამოთქვეს, რომ მსგავსი შეჯიბრება, ცხოვრების ჯანსაღი წესის დამკვიდრებისა და მოზარდი თაობის სპორტში ჩაბმის გარდა, ახალი ტალანტების წარმოჩენასაც შეუწყობს ხელს.

კასპიის თასზე ესპანეთმა შეგვარა

საქართველოს 17-წლამდე ფეხბურთელთა ნაკრები ბაქოში „კასპიის თასზე“ გამოდის. ჩვენები ჯგუფში ყაზახეთის, ტაჯიკეთისა და ესპანეთის გუნდებთან ერთად მოხვდნენ, სადაც აზიელები პირინდად დაჩაგრეს – ყაზახებს 5:1 მოუგეს, ტაჯიკებს – 5:0. ამ შეხვედრებში თავი ყველაზე მეტად ალექო მზევაშვილმა გამოიჩინა, რომელმაც ორივე შეხვედრაში დუბლი შეასრულა, დანარჩენი გოლები კი ახვლედიანის, მაჭავარიანის, მელიქიძის, ჭეჭელაშვილის, კაკაბაძის და დარციმელიას ანგარიშზეა.




ჩვენებს ჯგუფის უმთავრესი შეხვედრა ევროპელებთან ელოდათ – გამარჯვებული ფინალის საგზურს იღებდა. ქართველთა მსგავსად, შუააზიელებს იმათაც ძალზე ადვილად, ოღონდ ჩვენზე უფრო დიდი უპირატესობით მოუგეს. სწორედ ამიტომ ბურთების უკეთესი შეფარდებით გვისწრებდნენ და ჯგუფში პირველობას მხოლოდ მათთან გამარჯვება თუ მოგვიტანდა. ეს იმთავითვე შეუსრულდებელი ამოცანა ჩანდა, რადგან ესპანელები ტურნირის ფავორიტები არიან. მათ პირველი ტაიმი მოიგეს კიდევ.

ჩვენებმა კი, რაც შეძლეს, ეს ანგარიშის გათანაბრება იყო. საბოლოოდ, შეხვედრა ფრედ დასრულდა – 1:1 და ქართველებსაც მეორე ადგილი ერგოთ. ისინი

ბრინჯაოს მედლისთვის იბრძოლებენ – საამისოდ აზერბაიჯანელებს შეხვედრიან, ფინალში კი ესპანეთისა და თურქეთის გუნდები ითამაშებენ.

„ახალი განათლების“ წიგნის მარაგ

სიახლე!



მსოფლიო ისტორიის ენციკლოპედია

პირველად საქართველოში, მსოფლიოს ისტორიის ენციკლოპედია გლობალურ კონტექსტში, უნიკალური ილუსტრაციებით, რუკებითა და ფოტომასალით.

ეს წიგნი თარგმნილია მსოფლიოს მრავალ ენაზე და ერთადერთი ქართული გამოცემაა, რომელშიც მკითხველი გაეცნობა უამრავ საკვირველს და თანაც ნამდვილ ამბებს ადამიანებზე, ქვეყნებსა თუ მოვლენებზე, რომელთა წყალობითაც შეიქმნა ის მრავალფეროვანი სამყარო, რომელშიც დღეს ვცხოვრობთ.

ეს წიგნი დაგეგმარებათ სხვადასხვა ქვეყნის ისტორიულ, პოლიტიკურ თუ ეკონომიკურ პროექტებზე მუშაობისას, რადგან აქ მსოფლიოს ისტორიის თითოეული ეტაპი ამა თუ იმ ქვეყანასთან, კონტინენტებთან მიმართებაში დანვრებით, თემატურადაა განხილული – დასაბამიდან დღემდე – ქვის ხანის ადამიანებიდან რუსეთ-საქართველოს ომით დამთავრებული.


წიგნი გამოცემულია უმაღლეს პოლიგრაფიულ დონეზე და მთელ მსოფლიოში უნიკალურ სამაგიდე წიგნადაა აღიარებული.
ზომა: A4, 496 გვერდი, მაგარ ყდაში, სუპერგარეკნით.

საბავშვო ცხოველთა ენციკლოპედია



წიგნში მოცემულია 1000-ზე მეტი ფერადი ილუსტრაცია. გაეცნობით ძუძუმწოვრების, ფრინველების, ქვეწარმავლების, ამფიბიების, ობობების და სხვა უხერხემლოების შესახებ ბევრ საინტერესო ინფორმაციას. წიგნი შედგენილია ექსპერტთა ჯგუფის მიერ.

ხელოვნების ილუსტრირებული ისტორია



მოიცავს ყველა ძირითად ეტაპს ხელოვნებაში, რენესანსიდან დაწყებული XX საუკუნის მასკულტურით დამთავრებული. ტექსტითა და უხვი ილუსტრაციებით, მნიშვნელოვან ცნობებს გვანვდის დიდ მხატვრებსა და ხელოვნებაში ახალ მიმდინარეობებზე. კონკრეტული მხატვრების ნამუშევრები ანალიტიკურ მოდულებშია გამოყოფილი, რაც მკითხველს საშუალებას აძლევს უფრო საფუძვლიანად გაეცნოს და დააფასოს მათი უაღრესად მრავალფეროვანი ტექნიკა. წიგნში მოთხრობილია ხელოვნებაში წლების წინ დამკვიდრებული თემებისა და ჟანრების შესახებ, როგორცაა შიშველი ფიგურა, ნატურმორტი, პეიზაჟი, ქალაქური ცხოვრება და სხვ.

ვახსოვნიერებთ რა ამ ენციკლოპედიას მნიშვნელოვანს სკოლებსა და პედაგოგებისთვის ბთავაზობთ გრანდიოზულ ფასდაკლებას:

მსოფლიო ისტორიის ენციკლოპედია – 35 ლარი
საბავშვო ცხოველთა ენციკლოპედია – 26 ლარი
ხელოვნების ილუსტრირებული ისტორია – 30 ლარი

ხელმოწერის თანხა უნდა ჩარიცხვით 30 ივნისამდე

გადმორიცხვისას აუცილებლად მიუთითეთ ქალაქი, რაიონი, სოფელი, სკოლა, სახელი და გვარი.

შესაძლებელია ინდივიდუალური ხელმოწერები!

მსურველები დაგვიკავშირდით ტელეფონებზე:
95 80 23; 890 95 80 23; 877 13 22 83.

ხელმოწერის თანხა გადმორიცხვით რეკვიზიტებზე:

მიმღები – შპს „ახალი განათლება“, ს/კ202058735
ს/ს „ლიბერთი ბანკი“, ბ/კLBRTGE22, ა/აGE93LB0113314052305000

უკეთესობით!

სიახლე!

გამოვიდა „მსოფლიო ლიტერატურის კლასიკოსების“ სერიიდან სამი ახალი ტომი:

ფიოდორ დოსტოვესკი – „მკვდარი სახლის ჩანაწერები“
სტენდალე – „წითელი და შავი“
შოპენო და ლაკლო – „სახიფათო კავშირები“

„მსოფლიო ლიტერატურის კლასიკოსები“
ერთი ტომი – 12 ლარი



„რა არის რა“ ერთი ტომი – 11 ლარი



მთავარი რედაქტორი: მარიკა ჩიქოვანი

მისამართი: ტაბაღაშვილის №3 ტელ.: 295-80-23, 890 958023, 855 411668, 855 178027.

www.axaliganatleba.ge E-mail: axaliganatleba@gmail.com Skype: axali.ganatleba

რეგისტრაციის № 2/4-1609, ინფორმაციის ხელმოწერისთვის: 76096

გაზეთი რეგისტრირებულია დიდუბის რაიონის სასამართლოს მიერ.

რედაქციის შიგნით ხელნაწერები არ რეცენზირდება და ავტორებს არ უბრუნდებათ.

რედაქციის რეკვიზიტები: საქართველოს ბანკი ბ/კ BAGAGE22, ს/კ 202058735, ა/ა 123631000